

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
YAMAMOTO
NOV 21 1958

T 5237.47/1332

7

唐詩類苑卷第二十六

明雲間張之象玄超

雲間張所敬長輿甫編次

雲間王徹叔朗甫補訂

梁谿曹仁孫伯安甫校正

地部

關

入潼關

太宗

嶠函稱地險襟帶壯兩京霜峰直臨道水河曲繞城
古木參差影寒猿斷續聲冠蓋往來合風塵朝夕驚

哈佛大學漢和
圖書館珍藏印

高譚先馬度僞曉預鷄鳴棄繻懷遠志封泥負壯情
向有真人氣安知名不名

奉和聖製入潼關

許敬宗

曦馭循黃道星辰引翠旗濟潼紆萬乘臨河耀六師
前旌彌陸海後騎發通伊勢踰迴地軸威盛轉天機
是節歲窮紀關樹蕩涼颼僊霧含靈掌瑞鼎照川湄
冲襟賞臨睨高詠入京畿

潼關口號

玄宗

河曲回千里關門限二京所嗟非恃德設險到天平
奉和聖製潼關口號應制 張說

天德平無外關門東復西不將千里隔何用一丸泥

奉和聖製潼關口號應制 張九齡

隱嶙故城壘荒涼空戍樓在德不在險方知王道休

奉和聖製過潼津關 蘇頲

在德何夷險觀風復往還自然同善閉中路可無虞

潼關道中 鄭谷

白道曉霜迷籬燈照馬嘶秋風滿關樹殘月隔河鷄
來往非無倦窮通豈易齊何年歸故社披雨剪春畦

行次潼關題驛後軒 許渾

飛閣極層臺終童此路回山形朝闕去河勢抱關來

唐詩類苑 卷之二十一
鴈過秋風急蟬鳴宿霧開平生無限意驅馬任塵埃
次潼關先寄張十二閣老使君

韓愈

荆山已去華山來日出潼關四扇開刺史莫辭迎候
遠相公新破蔡州迴

次潼關上都統相公

韓愈

暫辭堂印執兵權盡管諸軍破賊年冠蓋相望催入
相待將功德格皇天

過潼關

温庭筠

地形盤屈帶河流景氣澄明是勝遊十里曉鷄關樹

暗一行寒鴈隴雲愁片時無事溪泉好盡日凝眸望
更秋塵尾角巾應曠望更嗟芳靄隔秦樓

早渡蒲關

玄宗

鐘鼓嚴更曙山河野望通鳴鑿下蒲坂飛旆入秦中
地險關逾壯天平鎮尚雄春來津樹合月落戍樓空
馬色分朝景鷄聲逐曉風所希常道泰非復棄繻同

奉和聖製早渡蒲關應制

張說

蒲坂橫臨晉華芝曉望秦關城雄地險橋路扼天津
樓映行宮日隄含宮樹春黃雲隨寶鼎紫氣逐真人
東詠唐虞跡西觀周漢塵山河非國寶明主愛忠臣

唐詩類苑 卷之二十二
奉和聖製早渡蒲關應制 張九齡

魏武中流處軒皇問道迴長堤春樹發高掌曙雲開
龍負王舟渡人含僊氣來汀津會日月天象役風雷
東顧重關盡西馳萬國陪遠聞股肱郡元首詠康哉
奉和聖製早渡蒲關應制 徐安貞

僊掌臨秦甸虹橋闢晉關兩都分地險一曲渡河灣
路得津門要時稱古戍閑城花春正發岸柳曙堪攀
後乘猶臨水前旌欲換山長安迴望日宸御六龍還
入蒲關先寄秦中故人 岑 參

秦山數點似青黛渭水一條如白練京師故人不可

見寄將兩眼看飛燕

經函谷關

韋應物

洪河絕山根單軌出其側萬古爲要樞往來何時息
秦皇旣恃險海內被吞食及嗣同覆傾咽喉莫能塞
災靈詎西駕婁子非經國徒欲扼諸侯不知恢至德
聖朝及天寶豺虎起東北下沈戰死魂上結窮冤色
古今雖共守成敗良可識藩屏無俊賢金湯獨何力
馳車一登眺感慨中自惻

奉和聖製經函谷關作

張九齡

函谷雖云險黃河復已清聖心無所隔空此置關城

春過函谷關

于鄴

幾度作遊客客行常苦辛
愁看函谷路老盡布衣人
歲遠關猶固時移草亦春
何當名利息遣此絕征輪

過函谷關

楊齊哲

地險崢函北途經分陝東
逶迤衆山盡荒涼古塞空
河光流曉日樹影散朝風
聖德今無外何處是關中

函谷關

汪遵

脫禍東奔壯氣催馬如飛
電勢如雷當時若不輕彈
缺那得關門夜半開

秦築長城比鐵牢蕃戎不敢過
臨洮雖然萬里連雲

際爭及堯階三尺高

曉過函谷關

李涉

因韓爲趙兩遊秦十月冰霜渡
孟津縱使鷄鳴見關吏不知
余也是何人

函谷關歌送劉評事使關西

岑參

君不見函谷關崩城毀壁至今在
樹根草蔓遮古道空谷千年長
不改寂寞無人空舊山聖朝無事
不須關白馬公孫何處去青牛
老人更不還蒼苔白骨空滿地
月與古時長相似野花不省見
人行山鳥何曾

唐詩類苑 卷之二十一 五
識關吏故人方乘使者車吾知郭丹却不如請君時
憶關外客行到關西多致書

秋風函谷關應詔

徐賢妃

見天部風

出玉關

來濟

斂轡遵龍漢銜悽度玉關今日流沙外垂涕念生還
玉關寄長安李主簿

岑參

東去長安萬里餘故人何惜一行書玉關西望堪腸
斷况復明朝是歲除

使青夷軍入居庸三首

高適

匹馬行將久征途去轉難不知邊地別祗訝客衣單
溪冷泉聲苦山空木葉乾莫言關塞極雲雪尚漫漫

二

古鎮青山口寒風落日時巖巒鳥不過冰雪馬堪遲
出塞應無策還家賴有期東山足松桂歸去結茅茨

三

登垣驅征騎棲遲愧寶刀遠行今若此微祿果徒勞
絕坂水連下羣峰雲共高自堪成白首何事一青袍

過蕭關

張蠡

出得蕭關北儒衣不稱身隴狐一作猿來試客沙鶻下

欺人曉戍殘衙火晴原起獵塵邊戎莫相忌非是霍家親

登宇文內史入重陽關

北原風雨散南
衛疎待詔還金馬儒林歸石渠
徒懸仁壽鏡空聚茂陵書竹波垂秋筍蓮衣落晚蕖
顧成始移廟陽陵正徙居舊蘭憔悴長殘花爛熳舒
別有昭陽殿長悲故婕妤

武牢關

羅隱

楚人曾此限封疆不見青陰六里長一壑暮聲何怨
望數峰秋勢自顛狂由來四皓須神伏大底秦皇謾
氣強欲學鷄鳴試關吏太平時節懶思量

題武關

杜牧

碧溪留我武關東一笑懷王跡自窮鄭袖嬌嬈渾似
醉屈原憔悴去如蓬山墻谷塹依然在弱吐強吞盡
已空今日聖神家四海戍旗長卷夕陽中

百牢關

元稹

天上無窮路生期七十間那堪九年內五度百牢關

百牢關

奉使推小吏任敬仲

元稹

嘉陵江上萬重山何事臨江一破顏自笑只緣任敬
仲等閒身度百牢關

晚發天井關寄李師晦 許渾

山在水滔滔流年欲惜一作二毛湘潭歸夢遠燕趙客
程勞露曉紅蘭重雲晴碧樹高逢秋正多感萬里別

同袍

天井關 韋莊

太行山上雲深處誰向雲中築女墻短綆詎能垂玉
甃繚垣何用學金湯斷開嵐翠為高壘截斷雲霞作
巨防守吏不教飛鳥過赤眉何路到吾鄉

西還至散關答喬補闕知之 陳子昂

葳蕤蒼梧鳳嘹唳白露蟬羽翰本非匹結交獨何全
昔君事胡馬余得奉戎旃攜手同沙塞關河緬幽燕
芳歲幾陽止白日屢徂遷功業雲臺薄平生玉佩捐
難比南歸日猶聞北戍邊代水不可涉巴江亦潺湲
攬衣度函谷衝涕望秦川蜀門自茲始雲山方浩然

散關晨度 王勃

關山凌旦開石路無塵埃白馬高譚去青牛真氣來
重門臨巨壑連棟起崇隈即今揚策度非是棄繻回

劍門 杜甫

惟天有設險劍閣天下壯連山抱西南石角皆北向

兩崖崇墉倚刻畫城郭狀一夫怒臨關百萬未可傍
珠玉走中源岷峨氣悽愴三皇五帝前鷄犬莫相放
後王尚柔遠職貢道已喪至今英雄人高視見霸王
并吞與割據極力不相讓吾將罪真宰意欲鏟疊嶂
恐此復偶然臨風默惆悵

關山曲二首

馬戴

金甲耀兜鍪黃金拂紫騮叛羌旗下戮陷壁夜中收
霜霰戎衣故關河磧氣秋箭瘡殊未合更遣在蘭州

二

火發龍山北中宵易左賢勒兵臨漢水驚鴈散胡天

水落防河急軍孤受敵偏猶聞漢皇怒按劍待開邊

度關山

李端

鴈塞月初晴孤關覆雪平危樓

一作竿綠廣漢古竇傍

長城拂劍金星出翻弓玉羽鳴

一作輕誰知係虜者賈

誼是書生

出關

魏徵

中原初逐鹿投筆事戎軒縱橫計不就慷慨志猶存
杖策謁天子驅馬出關門請纓係南越憑軾下東藩
鬱紆陟高岫出沒望平原古木吟寒鳥空山啼夜猿
旣傷千里目還驚九折魂豈不憚艱險深懷國士恩

季布無二諾侯嬴重一言人生感意氣功名誰復論

出關路

白居易

山川函谷路塵土遊子顏蕭條去國意秋風生故關

出關

曹鄴

山上黃犢走避人山下女郎歌滿野我獨南征恨此身更有無成出關者

出關

韋莊

馬嘶煙岸柳陰斜回首關山路轉賒到處因循綠嗜酒一生惆悵為判花危時祗合身無著白日那看事有涯正是灞陵春草綠仲宣何事獨辭家

大梁送柳淳先入關

孟郊

青山輾為塵白日無閒人自古推高車爭利西入秦王門與侯門待富不待貧空攜一束書去去誰相親

入關

曹鄴

衡門亦無路何況入西秦灸病不得穴徒為採艾人

送陸肱入關

尚顏

舟行復陸行始得到咸京准擬何人口吹噓六義名亂山逢減翠叢菊早含英衣錦還鄉日他時有此榮

送友人入關

李端

聞君帝城去西望一沾巾落日見秋草暮年逢故人

非干長作客有命懶謀身近更嬰衰疾空思老漢濱
入關
杜牧
東西南北數衢通曾取江西徑過東今日更尋南去
路未秋應有北歸鴻

秋入關

賈馳

河上微風來關頭樹初濕今朝關城吏又見孤客入
上國誰與期西來徒自急

送范評事入關

韋莊

寂寥門戶寡相親日日頻來只有君正喜琴樽長作
伴忽攜書劍遠辭群傷心柳色離亭見聒耳蟬聲故

國聞為報明年杏園客與留絕艷待終軍

江南送李明府入關

韋莊

雨花煙柳傍江村流落天涯酒一樽分首不辭多下
淚迴頭唯恐更消魂我為孟館三千客君繼寧王五
代孫正是中興磐石重莫將憔悴入都門

入關

羅鄴

古道槐花滿樹開入關時節一蟬催出門唯恐不先
到當路有誰長待來似箭年光還可惜如蓬生計更
堪哀故園若有漁舟在應挂雲帆早箇迴

自蜀入關

羅鄴

唐詩類苑 卷之二十一
文戰連輸未息機束書攜劍定前非近來從聽事難
得休去且無山可歸匹馬出門還悵望孤雲何處是
因依斜陽驛路西風緊遙指人煙宿翠微

入關言懷

黃滔

背將蹤跡向京師出在先春入後時落日灞橋飛雪
裏已聞南院有看期

入關旅次言懷

黃滔

寸心唯自切上國與誰期月晦時風雨秋來日別離
便休終未肯已苦不能疑獨愧商山路千年四皓祠

關中言懷

黃滔

事事朝朝委一罇自知無復解趨奔試期交後猶爲
客公道開時敢說冤窮巷住來經積雨故山歸去見
荒村舉頭盡到斷腸處何必秋風江上猿

出關言懷

黃滔

又乞書題出關西謁列侯寄家僧許嶽釣浦雨移洲
賣馬登長陸沾衣逐勝遊菜腸終日餒霜鬢度年秋
詩苦無人愛言公是世仇却憐庭際草中有號忘憂

關下早行

林寬

軋軋推危轍聽鷄獨早行風吹宿靄散月照華山明
白首東西客黃河晝夜清相逢皆有事唯我是閒情

唐詩類苑 卷之三十六
秋晚度廢關

李行言

秦郊平舊險周德眷遺黎始聞清夜柳俄見落風泥
物色來無限津途去不迷空亭誰問馬閑戍但鳴鷄
山月寒彌淨河風曉更淒贈言揚伯起非復是關西
望蕭關 朱慶餘

漸見風砂暗蕭關欲到時兒童能探火婦女解縫旗
川絕銜魚鷺林多帶箭麋暫來戎馬地不敢苦吟詩

關亭春望

羅隱

關畔春雲拂馬頭馬前春事共悠悠風欺岸柳長條
困露裊山花小朶愁越信功夫高似狗裴王氣力大

於牛未知至竟將何用渭水涇川一向流

峽

巫山峽

李白

巫山夾青天巴水流若茲巴水忽可盡青天無到時
三朝上黃牛三暮行太遲三朝復三暮不覺鬢成絲

唐言類考 卷之三十一 十三
十三四時常從巫峽過他日偶然有思

沈佺期

小度巫山峽荆南春欲分使君灘上草神女廟前雲
樹悉江中見猿多天外聞別來如夢裏一想一氛氲

道峽似巫山

朱使欣

江如曉天靜石似暮雲張征帆一流覽宛若巫山陽
楚客思歸路秦人謫異鄉猿鳴孤月夜再使淚沾裳
和朱使欣道峽似巫山二首

張說

南土多爲寇西方盡畏途山行阻篁竹水宿礙荑蒲

使越才應有征蠻力豈無空傳人贈劍不見虎銜珠

二

江勢連山遠天涯此夜愁霜空極天靜寒月帶江流
思起南征棹文高北望樓自憐如墜葉汎汎逐僊舟

巫山峽

皇甫冉

巫山見巴東迢迢出半空雲藏神女館雨到楚王宮
朝暮泉聲落寒暄樹色同清猿不可聽偏在九秋中

巫峽

楊炯

三峽七百里唯言巫峽長重巖宵不極疊嶂凌蒼蒼
絕壁橫天險莓苔爛錦章夜分明見

忠信吾所蹈汎舟亦何傷可以涉砥柱可以浮呂梁
美人今何在靈芝徒有芳山空夜猿嘯征客淚沾裳
巫山蒼翠峽通津下有僊宮楚女真不逐綵雲歸碧
落却爲暮雨撲行人年年舊事音容在日日誰家夢
想頻應是荆山留不住至今猶得覩芳塵

巫峽

曹松

廣溪峽

楊炯

廣溪三峽首曠望兼川陸山路遶羊腸江城鎮魚腹
喬林百丈偃飛水千尋瀑驚浪回高天盤渦轉深谷
漢氏昔云季中原爭逐鹿天下有英雄襄陽有龍伏

常山集軍旅永安興板築池臺忽已傾邦家遽淪覆
庸才若劉禪忠佐爲心腹設險猶可存當無賈生哭

西陵峽

楊炯

絕壁聳萬仞長波射千里盤薄荆之門洎洎南國紀
楚都昔全盛高丘烜望祀秦兵一旦侵夷陵火潛起
四維不復設關塞良難恃洞庭且忽然孟門終已矣
自古天地闢流爲峽中水行旅相贈言風濤無極已
及余踐斯地瓌竒信爲美江山若有靈千載伸知已

鐵堂峽

杜甫

山風吹遊子縹緲乘險絕硤形藏堂隍壁色立積鐵

經磨穹蒼蟠石與厚地裂脩織無限竹嵌空太始雪
威遲哀壑底徒旅慘不悅水寒長水橫我馬骨正折
生涯抵弧矢盜賊殊未滅飄蓬踰三年迴首肝肺熱

青陽峽

杜甫

塞外苦厭山南行道彌惡岡巒相經亘雲水氣參錯
林迴硤角來天窄壁面削硤西五里石奮怒向我落
仰看日車側俯恐坤軸弱魑魅嘯有風霜霰浩漠漠
昨憶踰隴坂高秋視吳嶽東笑蓮花早北知崆峒薄
超然侔壯觀已謂殷寥廓突兀猶趁人及茲難冥寞

次同冠峽

韓愈

今日是何朝天晴物色饒落英千尺墮游絲百丈飄
泄乳交巖脉懸流揭浪標無心思嶺北猿鳥莫相撩

同冠峽

韓愈

南方二月半春物亦已少維舟山水間晨坐聽百鳥
宿雲尚含姿朝日忽升曉羈旅感和鳴囚拘念輕矯
潺湲淚久迸詰曲思增繞行矣且無然蓋棺事乃了

暮上瞿塘峽

項斯

自古艱難地孤舟旦暮程獨愁空託命省已是輕生
有樹皆相倚無巖不倒傾蛟螭波數怒鬼怪火潛明
履道知無負離心要驚何年面骨肉細話苦辛行

滄浪峽

儲嗣宗

滄浪臨古道道上石成塵自有滄浪峽誰爲無事人

滄浪峽

李山甫

走轂飛蹄過此傍幾人留意問滄浪煙波莫笑趨名客爲愛朝宗日夜忙

過滄浪峽

劉滄

山疊雲重一徑幽蒼苔古石瀨清流出巖樹色見來
靜落澗泉聲長自秋遠入虛明思白帝寒生浩景想
滄洲如何地近東西路馬足車輪不暫留

題滄浪峽

羅鄴

門向紅塵日日開入門襟袖遠塵埃暗香惹步澗花
發晚景通簷溪鳥迴不爲市朝行路近有誰車馬看
山來可憐嚴子持竿處雲水終年鎖綠苔

滄浪峽

許渾

纓帶流塵髮半霜獨尋殘月下滄浪一聲溪鳥暗雲
散萬片野花流水香昔日未知方外樂暮年始信夢
中忙紅蝦青鯽紫芹脆歸去不辭來路長

貞女峽

韓愈

江盤峽束春湍豪雷風戰鬪魚龍逃懸流轟轟射水
府一瀉百里翻雲濤漂船擺石萬瓦裂咫尺性命輕

鴻毛

過黃牛峽

張嶺

黃牛來勢瀉巴川疊日孤舟逐峽前
雷電夜驚猿落樹波濤愁恐客離船
盤渦逆入嵌空地斷壁高分繚繞天
多少人經過此去一生魂夢怕潺湲

送陸判官往琵琶峽

李白

水國秋風夜殊非遠別時長安如夢裏
何日是歸期

使過彈箏峽

儲光羲

鳥雀知天雪群飛復群鳴原田無遺粟
日暮滿空城
達士憂世務鄙夫念王程晨過彈箏峽
馬足凌兢行

雙壁隱靈曜莫能知晦明皚皚堅冰白
漫漫陰雲平
始信古人言苦節不可貞

湏陽峽

張九齡

行舟傍越岑窈窕越溪深水闇先秋冷
山晴當晝陰
重林間五色對壁聳千尋惜此生遐遠
誰知造化心

過春秋峽

劉言史

峭壁蒼蒼苔色新無風晴景自勝春不
知何事幽崖裏臘月開花似北人

青山峽口泊舟懷狄侍御 岑參

峽口秋水壯沙邊且停橈奔濤振石壁
峰勢如動搖

九月蘆花新彌令客心焦誰念在江島故人滿天朝
 無處豁心胸憂來醉能銷往來巴山道三見秋草彫
 狄生新相知才調凌雲霄賦詩拆造化入幕生風颯
 把筆判甲兵戰士不敢驕皆云梁公後遇鼎還能調
 離別倏經時音塵殊寂寥何當見夫子不難鄉關遙
 入東陽峽與李明府船前後不相及

陳子昂

東巖初解纜南浦遂離群出沒同洲島棲泊異汀濱
一作沿河風煙猶可望歌笑浩難聞路轉青山合峰
異渚濱迴白日曛奔濤上漫漫積水下沄沄倏忽猶疑及差

池復兩分離離間遠樹藹藹沒遙氛地入巴陵道星
 連牛斗文孤狄啼寒月哀鴻叫斷雲仙舟不可見遙
 思坐氛氲

經端溪峽中

楊衡

陰岸東流水上有微風清素羽漾翠澗碧樹敷丹英
 重林宿雨晦遠岫孤霞明飛猱相攀牽白雲亂縱橫
 有客沂輕楫閱勝匪羈程逍遙一息間糞土五侯榮
 牽茗庶蠲熱漱泉聊析醒寄言絲竹者詎識松風聲
 早入清遠峽

宋之問

傳聞峽山好旭日棹前沂雨色搖丹嶂泉聲聒翠微

兩巖天作帶萬壑樹披衣秋橘迎霜序春藤礙日輝
翳潭花似織綠嶺竹成圍寂歷環沙浦蔥蘢轉石圻
露餘江未熱風落瘴初稀猿飲排虛上禽驚掠水飛
榜童夷唱合樵女越吟歸良候斯爲美邊愁自有違
誰言望鄉國流涕失芳菲

曉行巴峽

王維

際曉投巴峽餘春憶帝京晴江一女浣朝日衆鷄鳴
水國舟中市山橋樹杪行登高萬井出眺迥二流明
人作殊方語鶯爲舊國聲賴諳山水趣稍解別離情
赴使瀧峽

張九齡

谿路日幽深寒空入兩嶽霜清百丈水風落萬重林
夕鳥聯歸翼秋猿斷去心別離多遠思况乃歲方陰

入峭峽

陳子昂

肅徒歌伐木驚楫漾輕舟靡迤隨波水潺湲沂淺流
煙沙分兩岸露島夾雙洲古樹連雲密交峰入浪浮
巖潭相映媚溪谷屢環周路迴光踰逼山深興轉幽
麝豔寒思晚猿鳥暮聲秋誓息蘭臺策將從桂樹遊
因書謝親愛千歲覓蓬丘

秋峽

杜甫

江濤萬古峽肺氣久衰翁不寐防巴虎全生狎楚童

衣裳垂素髮門巷落丹楓常怪商山老兼存翊贊功

寒峽

杜甫

行邁日悄悄山谷勢多端雲門轉絕岸積阻霾天寒
寒峽不可度我實衣裳單况當仲冬交沂泐增波瀾
野人尋煙語行子傍水餐此生免荷爰未敢辭路難

峽隘

杜甫

聞說江陵府雲沙靜渺然白魚如切玉朱橘不論錢
水有遠湖樹人今何處船青山各在眼却望峽中天

入峽寄弟

孟浩然

吾昔與爾輩讀書常閉門未曾冒灘險豈顧垂堂言

自此歷江湖辛勤難具論往來行旅弊開鑿禹功存
壁立千峰峻深流萬壑奔我來凡幾宿無夕不聞猿
浦上遙歸戀舟中失夢魂淚沾明月峽心斷鵲鴿原
離濶星難聚秋深露已繁因君下南楚書此示鄉園
初入峽有感
白居易

上有萬仞山下有千丈水蒼蒼兩崖間濶狹容一葦
瞿塘呀直瀉灩澦屹中峙未夜黑巖昏無風白浪起
大石如刀劍小石如牙齒一步不可行况千三百里
苒蒨竹筏蒼欹危檝師趾一跌無完舟吾生繫於此
常聞仗忠信蠻貊可行矣自古漂沈人豈盡非君子

况吾時與命蹇舛不足恃常恐不才身復作無名死

出峽

胡皓

巴東三峽盡曠望九江開楚塞雲中出荆門水上來
魚龍潛嘯雨鳧鴈動成雷南國秋風晚客思幾悠哉

宿江店

張籍

野店臨寒浦門前有橘花停燈待賈客賣酒與漁家
夜靜江水白路迴山月斜閒尋舟泊處潮落見平沙

送友生遊峽中

風靜楊柳垂看花又別離幾年同在此今日各驅馳
峽裏聞猿叫山頭見月時殷勤一盃酒珍重歲寒姿

下峽

鄭谷

憶子啼猿繞樹哀雨隨孤棹過陽臺波頭未白人頭
白瞥見春風灩澦堆

峽中

盧象

高唐幾百里樹色接陽臺晚見江山霽宵聞風雨來
雲從三峽起天向數峰開靈境信難見輕舟那可回

峽中即事

女郎廉氏

清秋三峽此中去鳴鳥孤猿不可聞一道水聲多亂
石四時天色少晴雲日暮汎舟溪淑口那堪夜永思
氛氲

題峽中石上

白居易

巫女廟花紅似粉
昭君村柳翠於眉
誠知老去風情少
相見爭無一句詩

峽口二首

杜甫

峽口大江間
西南控百蠻
城歆連粉堞
岸斷更青山
門闢當天險
防隅一水關
亂離聞鼓角
秋氣動衰顏

二

時清關失險
世亂戟如林
去矣英雄事
荒哉割據心
蘆花留客晚
楓樹坐猿深
疲薈煩親故
諸侯數賜金

峽哀十首

孟郊

昔多相與笑
今誰相與哀
峽哀哭幽魂
噉噉風吹來
墮魄抱空月
出沒難自裁
壑粉一閃間
春濤百丈雷
峽水聲不平
碧沍牽清洄
沙稜箭箭急
波齒斷斷開
呀彼無底吮
待此不測災
谷號相噴激
石怒爭旋迴
古罪有復鄉
今縲多爲能
字孤徒髣髴
銜雪猶驚猜
薄俗少直腸
結交須橫財
黃金買相弔
幽泣無餘淮
我有古心意
爲君空摧頹

二

上天下天水
出地入地舟
石劍相劈斫
石波怒蛟虬
花木疊宿春
風颿凝古秋
幽怪窟穴語
飛聞盼響流

唐言類苑 卷之三十六
沈哀日已深銜訴將何求

三

三峽一線天三峽萬繩泉上仄碎日月一掣狂漪漣
破魄一兩點疑幽數百年峽暉不停午峽險多饑涎
樹根鎖枯棺孤骨裏裏懸樹枝哭霜棲哀韻杳杳鮮
逐客零落腸到此湯火煎性命如紡績道路隨索緣
奠淚弔波靈波靈將閃然

四

峽亂鳴清磬產石爲鮮鱗噴爲腥雨涎吹作黑井身
怪光閃衆異餓劍唯待人老腸未曾飽古齒嶄崑噉

嚼齒二峽泉三峽聲斷斷

五

峽螭老解語百丈潭底聞毒波爲計較飲血養子孫
旣非臯陶吏空食沈獄魂潛怪何幽幽魄說徒云云
峽聽哀哭泉峽弔鰥寡爰峽聲非人聲劍水相劈翻
斯誰士諸謝奏此沈苦言

六

讒人峽乳心渴罪呀然潯所食無直腸所語饒晁音
石齒嚼百泉石風號千琴幽哀莫能遠分雪何由尋
月魄高卓卓峽窟清沈沈銜訴何時明抱痛已不禁

犀飛空波濤裂石千欽岑

七

峽稜剗日月日月多摧輝物皆斜仄生鳥亦斜仄飛
潛石齒相鎖沈魂招莫歸恍惚清泉甲斑爛碧石衣
餓嚙潺湲號涎似泓沘肥峽春不可遊腥草生微微

八

峽景滑易墮峽花怪非春紅光根潛涎碧雨飛沃津
巴谷蛟螭心巴鄉魍魎親噉生不問賢至死獨養身
腥語信者誰拗歌歡非真仄田無異稼毒水多瘳鱗
異類不可友峽哀哀難伸

九

峽水劍戟獐峽舟舟翔因依虺蜴手起坐風雨忙
峽旋多窟窟峽氓多非良滑心不可求滑習積已長
漠漠涎霧起斷斷涎水光渴賢如之何忽在水中央

十

梟鳴作人語蛟虬吸山波能於白日間諂欲暗風和
駭智蹶衆命蘊腥布深蘿齒泉無底貧鋸涎在處多
仄樹鳥不巢蹕狝猿相過峽哀不可聽峽怨其奈何

石

詠石

蘇味道

唐詩類考 卷之二十一
濟北甄神貺河西濯錦文聲應天池雨影觸岱宗雲
鴈歸猶可候羊起自成群何當握靈髓高枕絕囂氛

詠石

李嶠

宗子維城固將軍飲羽威巖花鑑裏發雲葉錦中飛
入宋星初隕過湘鷺早歸倘因持補極寧復想支機

省試昆明池織女石

童漢卿

一片昆明石千秋織女名向風長脉脉臨水更盈盈
有臉蓮同笑無心鳥不驚岸雲連鬢濕沙月對眉生
苔作輕裙色波爲促杼聲還如明鏡裏形影自分明

送祝八之江東賦得浣紗石

李白

西施越溪女明艷光雲海未入吳王宮殿時浣紗古
石今猶在桃李新開映古查菖蒲猶短出平沙昔時
紅粉照流水今日青苔覆落花君去西秦適東越碧
山清江幾超忽若到天涯思故人浣溪石上窺明月

三生石

僧修睦

聖迹誰會得每到亦徘徊一尚不可得三從何處來
清宵寒露滴白晝野雲隈應是表靈異凡情安可猜

太湖石

白居易

遠望老嗟峨近觀怪嶽峯纔高八九尺勢若干丈尋

唐詩卷之二十一
三五
嵌空華陽洞重疊屏山岑邈矣僊掌迴呀然劒門深
形質冠今古氣色通晴陰未秋已瑟瑟欲雨先沈沈
天姿信爲異時用非所任磨刀不如礪擣帛不如砧
何乃主人意重之如萬金豈伊造物者獨能知我心

太湖石

白居易

煙翠三秋色波濤萬古痕削成青玉片截斷碧雲根
風氣通巖穴苔文護洞門三峰具體小應是華山孫

奉和思黯相公以李蘇州所寄太湖石竒狀

絕倫因題二十韻見示兼呈夢得

白居易

錯落復崔嵬蒼然玉一堆峰駢僊掌出罅坼劒門開
峭頂高危矣根盤下壯哉精神欺竹樹氣色壓亭臺
隱起磷磷狀凝成瑟瑟胚廉稜露鋒刃清越叩瓊瑰
岌業形將動巍峩勢欲摧竒應漸鬼怪靈合蓄雲雷
黛潤霑新雨斑明點古苔未曾棲鳥雀不肯染塵埃
尖削琅玕筍窪剡瑪瑙壘海神移碣石畫幃簇天台
在世爲尤物如人負逸才渡江一葦載入洛五丁推
出處雖無意升沈亦有媒拔從水府底置向相庭隈
對稱吟詩句看宜把酒杯終隨金礪用不學玉山頽
疎傳心偏愛園公眼屢迴共嗟無此分虛管太湖來

楊六尚書留太湖石在洛下借置庭中因對
舉盃寄贈絕句
白居易

借君片石意何如
置向亭中慰索居
每就玉山傾一酌
興來如對醉尚書

遊西江泊舟苧蘿山下題西施石

王軒

嶺上千峰秀江邊細草春
今逢浣紗石不見浣紗人

西施石

樓穎

西施昔日浣紗津
石上青苔思殺人
一去姑蘇不復返
岸傍桃李為誰春

興平縣野中得落星石移置縣齋

韓琮

的的墮芊芊蒼茫不記年
幾逢疑虎將應逐犯牛僊
擇地依蘭畹題詩間錦箋
何時成五色却上女媧天

枕流石

費冠卿

不為幽岸隱古色涵空出
願以清泚流鑒此堅貞質
俯臨玉光潤時瀉苔花密
往往驚游鱗尚疑垂釣日

爛柯石

孟郊

僊界一日內人間千歲窮
雙碁未徧局萬物皆為空
樵客返歸路斧柯爛從風
唯餘石橋在猶自凌丹虹

望夫石

王建

望夫處江悠悠化為石不迴頭山頭日日風復雨行人歸來石應語

望夫石

孟郊

望夫石夫不來兮江水碧行人悠悠朝與暮千年萬年色如故

泰山石衮州從事所寄

李德裕

鷄鳴日觀望遠與扶桑對滄海似鎔金衆山如點黛遙知碧峯首猶立煙嵐內此石依五松蒼蒼幾千載

山石

韓愈

山石^音嶢嶢^音行徑微黃昏到寺蝙蝠飛升堂坐階新雨足芭蕉葉大梔子肥僧言古壁佛畫好以火來照所見稀鋪牀拂席置羹飯疎糲亦足飽我饑夜深靜臥百蟲絕清月出嶺光入扉天明獨去無道路出入高下窮煙霏山紅澗碧紛爛熳時見松櫪皆十圍當流赤足蹋澗石水聲激激風吹衣人生如此自可樂豈必局束為人鞿嗟哉吾黨二三子安得至老不更歸

石犀

岑參

君不見秦時蜀太守刻石立作三犀牛自古雖有厭

勝法天生江水向東流蜀人矜誇一千載汎溢不近
張儀樓今年灌口損戶口此事或恐爲神羞終藉隄
防出衆力高擁木石當清秋先王作法皆正道詭怪
何得參人謀嗟爾三犀不經濟缺訛只與長川逝但
願元氣常調和自免洪濤恣彫瘵安得壯士提天綱
再平水土犀奔茫

石笋行

杜甫

君不見益州城西門陌上石笋雙高蹲古來相傳是
海眼苔蘚蝕盡波濤痕雨多往往得琴瑟此事恍惚
難明論恐是昔時卿相墓立石爲表今仍存惜哉俗
態好蒙蔽亦如小臣媚至尊政化錯迕失大體坐看
傾危受厚恩嗟爾石笋擅虛名後生未識猶駿奔安
得壯士擲天外使人不疑見本根

海上石笋

李德裕

常愛僊都山竒峰千仞懸迢迢一何迥不與衆山連
忽逢海嶠石稍慰生意集作似何以慰我心亭亭孤
且直

石版

李咸用

高人好自然移得他山碧不磨如版平大巧非因力
古蘚小青錢塵中看野色冷倚砌花春靜伴疎篁直

唐言類考 卷之三十六
山僧若轉頭如逢舊相識

石版歌

李咸用

雲根劈裂雷斧痕龍泉切璞青皮皴直方挺質貞且
真當庭卓立凝頑神春雨流膏成玉文主人性靜看
長新明月夜來迴短影何如照冷太湖濱

題曲阿三昧王佛殿前孤石

劉長卿

孤石自何處對之疑舊遊氛氲峴首夕蒼翠剡中秋
迥出群峰當殿前雪山靈鷲慙貞堅一片孤雲長不
去莓苔古色空蒼然

送李卿賦得孤島石

岑參

一片他山石巉巉映小池綠窠攢剝蘚尖碩坐鸕鷀
水底看常到花邊勢欲欹君心能不轉鄉月豈相離

題新定八松院小石

杜牧

雨滴珠璣碎苔生紫翠重故關何日到且看小三峰

亂石

李商隱

虎踞龍蹲縱復橫星光漸滅雨痕生不須併礙東西
路哭殺厨頭阮步兵

雙石

白居易

蒼然兩片石厥狀怪且醜俗用無所堪時人嫌不取

唐詩類苑 卷之二十一
結從胚渾始得自洞庭口萬古遺水濱一朝入吾手
擔舁來郡內洗刷去泥垢孔黑煙痕深罅青苔色厚
老蛟蟠作足古劍插爲首忽疑天上落不似人間有
一可支吾琴一可貯吾酒峭絕高數尺均泓容一斗
五絃倚其左一杯置其右窪樽酌未空玉山頽已久
人皆有所好物各求其偶漸恐少年場不容垂白叟
迴頭問雙石能伴老夫否石雖不能言許我爲三友
意何因吹送落花來

戲題磐石

王維

疊石

此石韓給事所遺

李德裕

潺潺桂水端漱石竒出狀鱗次冠煙霞蟬聯疊波浪
今來碧梧下迥出秋潭上歲晚苔蘚滋懷賢益怊悵
宿石
元稹

石磯江水夜潺湲半夜江風引杜鵑燈暗酒醒顛倒
枕五更斜月入空船

題祖山人池上怪石

張碧

寒姿數片竒突兀曾作秋江秋水骨先生應是厭風
雲著向江邊塞龍窟我來池上傾酒尊半酣畫破青
煙痕參差翠縷擺不落筆頭驚怪粘秋雲溶溶水墨

唐詩類苑 卷之二十一
有高價邀得將來倚松下鋪却震繒直道難掉首空
歸不成畫

南侍御以石相贈助成水聲因以絕句謝之

白居易

泉石磷磷聲似琴閒眠靜聽洗塵心莫輕兩片青苔
石一夜潺湲直萬金

寄宋之問

田遊巖

弘農清巖曲有磐石可坐宋十一每拂拭待余寄
詩贈之

信彼稱靈石居然狎遁棲徘徊承翠巘馘駁帶深溪
夕陰起層岫清景半虹蜺風來應嘯阮波渡可琴嵇
僕也穎陽客望彼空思齊倘見山人至簪蒿且杖藜

答田遊巖

宋之問

家臨清溪水溪水繞磐石綠蘿四面垂裏裏百餘尺
風泉度絲管苔蘚鋪茵蓆傳聞穎陽人霞外漱靈液
忽枉巖中翰吟臥復朝夕何當遂遠游物外候逋客
乞寬禪師瘦山壘呈宣供奉

李益

石色凝秋蘚峰形若夏雲誰留秦苑地好贈杏溪君

空樽詩

元結

巉巉小山石數峰對宍亭宍石堪爲樽狀類不可名
巡迴數尺間如見小蓬瀛樽中酒初漲始有島嶼生
豈無日觀峰直下臨滄溟愛之不覺醉醉臥還自醒
醒醉在樽畔始爲吾性情若以形勝論坐隅臨郡城
平湖近階砌遠山復青青異木幾十株枝條冒簷楹
盤根滿石上皆作龍虵形酒堂貯釀器戶牖皆罌甌
此樽可常滿誰是陶淵明

雞公嶺

去褒城縣二十里

韋莊

石狀雖如嶺山形可類雞向風疑欲鬪帶雨似聞啼
蔓織青籠合松長翠羽低不鳴非有意爲怕客奔齊

塵

詠塵

駱賓王

凌波起羅襪含風染素衣別有知音調聞歌應自飛

詠塵

張說

僊浦生羅襪神京染素衣裨山期益峻照日映增輝
夕伴龍媒合朝隨鳳輦歸獨憐范甑下思繞畫梁飛

塵灰

駱賓王

洛川流雅韻秦道擅苛威聽歌梁上動應律管中飛
光飄神女襪影落羽人衣願言心未翳終異效輕微

唐詩類苑卷第二十七

明雲間張之象玄超甫纂輯

雲間張所敬長輿甫編次

雲間王徹叔朗甫補訂

梁谿曹仁孫伯安甫校正

地部

道路

詠道

李嶠

銅駝分鞏洛劔閣抵臨邛紫微三千里青樓十二重
玉關塵似雪金穴馬如龍今日中衢上堯罇更可逢

洛陽道

于鄴

浮世若浮雲千回故復新
旋添青草塚更有白頭人
歲暮容將老雲晴山欲春
行行車與馬不盡洛陽塵

長安道

薛能

汲汲復營營東西連兩京
關繻古若在山岳累應成
各自有身事不相知姓名
交馳兼衆類分散入重城
此去應無盡萬方人旋一作始
生空餘片言苦來往覓

劉楨

長安道

元稹

漢家宮殿含雲煙兩宮十里相連延
晨霞出沒弄丹

闕春雨依微自甘泉春雨依微春尚早
長安貴遊愛芳草寶馬橫來下建章
香車却轉避馳道貴遊誰最貴衛霍世難比
何能蒙主恩幸遇邊塵起歸來甲第拱
皇居朱門峩峩臨九衢中有流蘇合歡之寶帳
一百二十鳳凰羅列含明珠下有錦鋪翠被之
燦爛博山吐香五雲散麗人綺閣情飄飄
頭上鴛釵雙翠翹低鬟曳袖迴春雪聚黛一
聲愁碧霄山珍海錯棄藩籬烹犢包羔如折葵
旣請列侯封部曲還將金印授廬兒歡榮若此
何所苦但苦白日西南馳

再使蜀道

張說

唐詩類苑 卷之二十一
眇眇葭葦道蒼蒼
褒斜谷煙壑爭晦深
雲山共重複
古來風塵子同眩
望鄉目芸閣有儒生
輶車倦馳逐
青春客岷嶺白露搖
江服歲月鎮羈孤
山川長返覆
魚游戀深水鳥游戀喬木
如何別親愛坐去文章國
蟋蟀鳴戶庭蠨蛸網琴筑

蜀道後期

張說

客心爭日月來往預期程
秋風不相待先到洛陽城

過蜀道山

張說

我行春三月山中百
花開披林入峭壁
攀蹬陟崔嵬
白雲半峰起清江出
峽來誰知高深意
緬邈心幽哉

南陽道中

張九齡

登郢屬歲陰及宛惜所適
復聞東漢主遺此南都迹
佳氣藹厥初霸圖紛在昔
茲邦稱貴近與世嘗薰赫
遭遇感風雲變衰空草澤
不識鄧公樹猶傳陰后石
驅馬歷闔閭荆榛翳阡陌
事去物無象感來心不憚
懷古對窮秋興言傷遠客
眇默遵岐路辛勤獎行役
雲鴈號相呼林麇走自索
顧憶徇書劍未嘗安枕席
豈暇墨突黔空持遼豕白
迷復期非遠歸歟賞農隙

南康道中

羅隱

弱冠負文翰此中聽鹿鳴
使君延上榻時輩仰前程

丹桂竟多故白雲空有情唯餘路旁淚沾灑向塵纓
并州道中 杜牧

行役我方倦苦吟誰復聞戍樓春帶雪邊角暮吹雲
極目無人迹迴頭送鴈群如何遣公子高臥醉醺醺
秋日捷爲道中 崔塗

久客厭岐路出門吟且悲平生未到處落日獨行時
芳草不長綠故人無重期那堪更南渡鄉國已天涯
貴池道中 張祜

羸驂驅野岸山遠路盤盤清露月華曉碧江星影寒
離郡徒長泣去國日加餐霄漢寧無舊相哀是語端

將之衡陽道中

張祜

萬里南方去扁舟汎自身長年無愛物深話少情人
醉臥襟長散閒書字不真衡陽路猶遠獨與鴈爲賓

崇德道中

戴叔倫

暖日菜心稠晴煙麥穗抽客心雙去翼歸夢一扁舟
廢塔巢雙鶴長波漾白鷗關山明月到愴惻十年遊
廣陵道中 許渾

城勢已坡陀城邊東逝波綠桑非苑樹青草是宮莎
山暝牛羊少水寒鳧鴈多因高一迴首還詠黍離歌

王仙道中

殷文珪

尊鱸方美別吳江筆陣詩魔兩未降山勢北蟠龍偃
蹇泉聲東漱玉琤琤古陂狐兔穿蠻塚破寺荆榛擁
佛幢信馬冷吟迷路處隔溪煙雨吠村厖

將赴池州道中

杜牧

青陽雲水去年尋黃絹歌詩出翰林投轄暫停留酒
客絳帷斜繫滿松陰妖人笑我不相問道者應知歸
路心南去南來盡鄉國月明秋水只沈沈

南陵道中

杜牧

南陵水面漫悠悠風緊雲輕欲變秋正是客心孤迥
處誰家紅袖凭江樓

早春巴陵道中

羅隱

遠雪亭亭望未消岳陽春淺自相饒短蘆冒土初生
筍高柳渝風已弄條波汎洞庭獺獺健谷連荆楚鬼
神妖中流菱唱泊何處一隻畫船蘭作橈

新野道中

黃滔

野堂如雪草如茵光武城邊一水濱越客歸遙春有
雨杜鵑啼苦夜無人東堂歲去銜盃嬾南浦期來落
淚頻莫道還家不惆悵蘇秦羈旅長卿貧

夏州道中

黃滔

隴鴈南飛河水流秦城千里忍回頭征行渾與求名

唐詩類苑 卷之二十七 五
背九月中旬往夏州

東西道

元稹

天皇開四極便有東西道萬古閱行人行人幾人老
顧我倦行者息陰何不早少壯塵事多那言壯年好
自青山詣於潛道中呈元八居士

僧靈一

茗水灘行淺潛州路漸深參差遠邊色迢遞野人心
凍澗冰難釋秋山日易陰不知天目下何處訪雲林

京路

白居易

西來爲看秦山雪東去緣尋洛苑春來去騰騰兩京

路閑行除我却無人

長安路

皇甫冉

長安九成路戚里五侯家結束趨平樂聯翩抵狹斜
高樓臨遠水複道出繁花唯見相如宅蓬門度歲華

汴河路有感

白居易

三十年前路孤舟重往還繞身新眷屬舉目舊鄉關
事去唯留水人非但見山啼襟與愁鬢此日兩成斑

青門路

劉駕

青門有歸路坦坦高槐下貧賤自耻歸此地誰留我
門開送客去落日嬾回馬旅食帝城中不如遠遊者

舟成於陸地風水終相假吾道諒如斯立身無苟且

蜀路二首

張說

雲埃夜澄廓山日曉晴鮮葉落滄江岸鴻飛白露天
磷磷含水石冪冪覆林煙客心久無緒秋風殊未然

二

僑蜀時未改別家鄉念盈憶昨出門日春風發鮮榮
及茲旋轅地秋風滿路生昏曉思魏闕夢寐還秦京
秦京開朱第魏闕垂紫纓幽獨玄虛閣不聞人馬聲
藝業為君重名位為君輕玉琴知調苦寶鏡照膽清
鷹饑常啄腥鳳饑亦待瓊於君自有屬物外豈能輕

高平縣東和路

李賀

侵侵榭葉香木花滯寒雨今夕山上秋永謝無人處
石磯遠荒澀棠實懸辛苦古者定幽尋呼君作私路

商山路有感

白居易

萬里路長在六年身始歸所經多舊館太半主人非

商山路有感

并序

白居易

前年夏予自忠州刺史除書歸闕時刑部李十一
侍郎戶部崔二十員外亦自灋果二郡守徵還相
次入關皆同此路今年予自中書舍人授杭州刺
史又由此路出二君已逝予獨南行追歎興懷慨

唐詩類苑 卷之二十七 七
然成詠後來有與予杓直虞平游者見此短什能
無惻惻乎倘未忘情請爲繼和長慶二年七月三
日題於內鄉縣南亭云爾

憶昨徵還日三人歸路同此生都是夢前事旋成空
杓直泉埋玉虞平燭過風唯殘樂天在頭白向江東

穆陵路

陳存

西遊匣長劍日暮湘楚間歇馬上秋草逢人問故關
孤村綠塘水曠野白雲山方念此中去何時此路還
初入太行路

白居易

天冷日不光太行峰蒼莽嘗聞此中險今我方獨往

馬蹄凍且滑羊腸不可上若比世路難猶自平於掌

贈太行開路者

于瀆

手斲太行山心齊太行巔斲盡太行險君心更摩天
何如回苦辛自鑿東臯田

冬日平泉路晚歸

白居易

山路難行日易斜煙村霜樹欲棲鴉夜歸不到應閑
事熱飲三杯卽是家

初出蘭田路

白居易

停驂問前路路在秋雲裏蒼蒼縣南道去途從此始
絕頂忽盤上衆山皆下視下視千萬峰峰頭如浪起

唐詩類苑 卷之二十七
朝經韓公坂夕次藍橋水潯陽僅四千始行七十里
人煩馬蹄跼勞苦已如此

板橋路

白居易

梁苑城西二十里一渠春水柳千條若爲此路今重
過十五年前舊板橋曾共玉容橋上別不知消息到
今朝

東門路

于鄴

東門車馬路此路在浮沈白日若不落紅塵應更深
從來名利計皆見起爭心所以青青草年年生漢陰
賦得沙際路送從叔象

獨樹沙邊人跡稀欲行愁近暮鐘時野泉幾處侵應
盡不遇山僧知問誰

沙路曲

李賀

柳臉半眠丞相樹珮馬釘鈴踏沙路斷燼遺香裊翠
煙燭騎啼鳥上天去帝家玉龍開九關帝前動笏移
南山獨垂重印押千官金窠篆字紅屈盤沙路歸來
聞好語旱火不光天下雨

山路偶興

白居易

筋力未全衰僕馬不至弱又多山水趣心賞非寂寞
捫蘿上煙嶺蹋石穿雲壑谷鳥晚仍啼洞花秋不落

唐詩類苑 卷之二十七 九
提籠復攜榼遇勝時停泊泉憇茶數甌嵐行酒一酌
獨吟還獨嘯此興殊未惡假使在城時終年有何樂

綠路

總是玲瓏竹兼藏淺漫溪沙平深見底石亂不成泥
煙火遙村落桑麻隔稻畦此中如有問甘被到頭迷

路傍曲

劉禹錫

南山宿雨晴春入鳳凰城處處聞絃管無非送酒聲

岐路

鮑溶

北風送微寒徒侶勤遠程憂人席不暖殘月馬上明
飄飄岐路間長見日初生重嶂曉色淺疎猿寒啼清

人間多岐路常恐終身行迴見四方人車輪無留聲
空谷亦可隱下田非嬾耕古人有遺訓飽食非親榮
我生禮義鄉少小見太平聖賢猶羈旅况復非其名

赴李少府莊失路

皇甫冉

君家南郭白雲連正待情人弄石泉月照煙花迷客
路蒼蒼何處是伊川

龍丘途中二首

杜牧

漢苑殘花別吳江盛夏來唯看萬樹合不見一枝開

二

水色饒湘浦灘聲怯建溪淚流迴月上可得更猿啼

唐詩類苑 卷之二十七
新定途中

杜牧

無端偶效張文紀下杜鄉園別五秋重過江南更千里萬山深處一孤舟

街西長句

杜牧

碧池新漲浴嬌鷓分鎖長安富貴家遊騎偶同人鬪酒名園相倚杏交花銀鞦褭裊嘶宛馬繡鞅璉瓏走細車一曲將軍何處笛連雲芳草日初斜

陌

洛陽陌二首

顧況

鶯聲滿御堤隄拂柳絲齊風送名花落香紅襯馬蹄

二

珂珮逐鳴騶王孫結伴遊金丸落飛鳥乘興醉青樓
徑

黃州竹徑

杜牧

竹岡蟠小徑屈折鬪虵來三年得歸去知遶幾千迴

竹裏徑

司空曙

幽徑行迹稀清陰苔色古蕭蕭風欲來乍似蓬山雨

竹徑偶作

權德輿

退朝此休沐閉戶無塵氛支策入幽徑清風隨此君
瑟觴恣偃傲蘭蕙相氛氲幽賞方自適林西煙景曛

花徑

元稹

山花夾徑幽古甃生苔
澀胡牀理事餘玉琴承露濕
朝與詩人賞夜攜禪客入
自是塵外蹤無令吏趨急

省試行不由徑

張籍

田裏有微徑賢人不復行
孰知求捷步又恐異端成
從易衆所欲安邪患亦生
誰能達天道共此竟前程
子羽有遺跡孔門傳舊聲
今逢大君子士節自光明

行不由徑

俞簡

古人心有尚乃是孔門生
為計安貧樂當從大道行
詎應流遠迹方欲料前程
捷徑雖云易長衢豈不平

後來無枉路先達擅賢名
一示遵途意微裛益自精

行不由徑

孟對

欲速竟何成康莊亦砥平
天衢皆利往吾道本方行
不復由蓬徑無因訪蔣生
三條遵廣道九軌尚安貞
紫陌悠悠去芳塵步步清
澹臺千載後公道有遺名

行不由徑

王炎

邪徑趨作捷端心惡此名
長衢貴高步大路自規行
且慮縈紆僻還多坦蕩情
詎同流俗好方保立身貞
遠跡如違險修仁在履平
始知夫子道從此得堅誠

岸

初渡淮北岸

楊凝

別夢雖難覺悲魂最易銷殷勤淮北岸鄉近去家遙

江岸即事

温庭筠

水容侵古岸峰影度青蘋廟竹唯聞鳥江帆不見人
雀聲花外暝客思柳邊春別恨轉難盡行行汀草新

秋岸

杜牧

河岸微退落柳影微凋疎船上聽呼穉堤南趁漉魚
數帆旗去疾一艇箭迴初曾入相思夢因憑附遠書

亂後經淮陰岸

荒村古岸誰家在野水浮雲處處愁唯有河邊衰柳

樹蟬聲相送到揚州

九江北岸遇風雨

白居易

黃梅縣邊黃梅雨白頭浪裏白頭翁九江濶處不見
岸五月盡時多惡風人間穩路應無限何事拋身在此
中

田

歸田三首

白居易

人生何所欲所欲唯兩端中人愛富貴高士慕神僊
神僊須有籍富貴亦在天莫戀長安道莫尋方丈山
西京塵浩浩東海浪漫漫金門不可入琪樹何由攀

唐詩卷之二十七
不如歸山下如法種春田

二

種田計已決決意復何如賣馬買犢使徒步歸田廬
迎春治耒耜候雨闢菑畝策杖田頭立躬親課僕夫
吾聞老農言爲稼慎在初所施不鹵莽其報必有餘
上求奉王稅下望備家儲安得放慵惰拱手而曳裾
學農未爲鄙親友勿笑余更待明年後自擬執犁鋤

三

三十爲近臣腰間鳴珮玉四十爲野夫田中學鋤穀
何言十年內變化如此速此理固是常窮通相倚伏

爲魚有深水爲鳥有高木何必守一方窘然自牽束
化吾足爲馬吾因以行陸化吾手爲彈吾因以求肉
形骸爲異物委順心猶足幸得且歸農安知不爲福
况吾行欲老瞥若風前燭孰能俄頃間將心繫榮辱

賦得良田無晚歲

丁澤

人功雖未及地力信非常不任耕耘早偏宜黍稷良
無年皆有穫後種亦先芳膾膾盈千畝青青保萬箱
何須祭田祖詎要察農祥况是春三月和風日又長

晚遊東田寄司空文明

李端

暮來思遠客獨立在東田片影無妨雨殘虹不映天

別愁逢夏果歸興入秋蟬莫作墮官意幽潛未必賢
陵墓

和黃門盧監望秦始皇陵 張九齡

秦帝始求仙驪山何處卜中年既無效茲地所宜復
徒役如雷奔珍怪亦雲蓄黔首無寄命赭衣相馳逐
人怨神亦怒身死宗遂覆土崩失天下龍鬪入函谷
國為項籍屠君同華元戮始掘既由楚終焚乃因牧
上宰議揚賢中阿感桓速一聞過秦論載懷空杼軸
幸秦始皇陵 中宗

眷言君失德驪邑想秦餘政煩方改篆愚俗乃焚書

阿房久已滅閣道遂成墟欲厭東南氣翻傷掩鮑

過秦始皇陵 王維

古墓成蒼嶺幽宮象紫臺星辰七曜隔河漢九泉開
有海人寧渡無春鴈不迴更聞松韻切疑是大夫哀

始皇陵下作 曹鄴

千金買魚燈泉下照狐兔行人上陵過却弔扶蘇墓
纍纍壘壘中物多於養生具若使山可移應將秦國去
舜歿雖在前今猶未封樹

始皇陵 羅隱

荒堆無草樹無枝懶向行人問昔時六國英雄謾多

唐言類考 卷之二十一
事到頭徐福是男兒

途經秦始皇陵

許渾

龍盤虎踞樹層層勢入浮雲亦是崩
一種青山秋草裏路人唯拜漢文陵

煬帝陵

羅隱

入郭登橋出郭船紅樓日日柳年年
君王忍把平陳業只換雷塘數畝田

長陵

唐彥謙

長陵高闕此安劉附葬纍纍盡列侯
豐上舊居無故里沛中原廟對荒丘
耳聞英主提三尺眼見愚民盜

一杯千載豎儒騎瘦馬渭濱斜日重迴頭

茂陵

李商隱

漢家天馬出蒲梢首着榴花徧近郊
內苑只知含鳳嘴屬車無復插雞翹
玉桃偷得憐方朔金屋修成貯阿嬌
誰料蘇卿老歸國茂陵松柏雨蕭蕭

過景陵

李商隱

武皇精魄久僊昇帳殿淒涼煙霧凝
俱是蒼生留不得鼎湖何異魏西陵

行次昭陵

杜甫

昭陵唐太宗陵在醴泉縣之西天寶五載詔天下

通一藝者詣京師公自東都西歸應詔故道經昭陵作

舊俗疲庸主群雄問獨夫
識歸龍鳳質威定虎狼都
天屬尊堯典神功協禹謨
風雲隨絕足日月繼高衢
文物多師古朝廷半老儒
直詞寧戮辱賢路不崎嶇
往者災猶降蒼生喘未蘇
指揮安率土盪滌撫洪鑪

重過昭陵

杜甫

草昧英雄起謳歌曆數歸
風塵三尺劍社稷一戎衣
翼亮貞文德丕承戢武威
聖圖天廣大宗祀日光輝
陵寢盤空曲熊羆守翠微
再窺松栢路還見五雲飛

壯士悲陵邑幽人拜鼎湖
玉衣晨自舉鐵馬汗常趨
松栢瞻虛殿塵沙立暝途
寂寥開國日流恨滿山隅

秋日過昭陵

劉滄

寢廟徒悲劍與冠
翠華龍馭杳漫漫
原分山勢入空塞
地匝松陰出晚寒
上界鼎成雲縹緲
西陵舞罷淚闌干
那堪獨立斜陽裏
碧落秋光煙樹殘

題梁宣帝陵二首

呂溫

卽讐終自翦覆國豈爲雄
假號孤城裏何殊在壩東

二

祀夏功何薄尊周義不成
淒涼庾信賦千載共傷情

厚言類苑 卷之二十七
橋陵詩三十韻因呈縣內諸官

唐睿宗陵在奉先縣之豐山

杜甫

先帝昔晏駕茲山朝百靈崇岡擁象設沃野開天庭
卽事壯重險論功超五丁坡陀因厚地却畧羅峻屏
雲闕虛冉冉風松肅泠泠石門霜露白玉殿莓苔青
宮女曉知曙祠官朝見星空梁簇畫戟陰井敲銅瓶
中使日夜繼惟王心不寧豈徒卹備享尚謂求無形
孝理敦國政神凝推道經瑞芝產廟柱好鳥鳴巖扃
高嶽前律萃洪河左滢澗金城蓄峻趾沙苑交迴汀
永與奧區固川源分眇冥居然赤縣立臺榭爭岩亭

官屬果稱是聲華真可聽王劉美竹潤裴李春蘭馨
鄭氏才超古啖侯筆不停遣辭必中律利物常發硯
綺繡相展轉琳琅愈青熒側聞魯恭化秉德崔瑗銘
太史候鳧影王喬隨鶴翎朝儀限霄漢客思迴林坰
輶軻辭下杜飄飄凌濁涇諸生舊短褐旅汎一浮萍
荒歲兒女瘦暮途涕泗零主人念老馬厩宇容秋螢
流寓理豈愜窮愁醉未醒何當擺俗累浩蕩乘滄溟

文宗陵

曹鄴

千年堯舜心心成身已歿始隨蒼梧雲不反蒼龍闕
宮女衣不香黃金賜白髮留此奉天下所以無征伐

唐詩類苑 卷之二十七 至今汨羅水不葬大夫骨

豐陵行

韓愈

羽衛煌煌一百里，曉出都門塋天子。群臣雜沓馳後先，宮官穰穰來不已。是時新秋七月初，金神按節炎氣除。清風飄飄輕雨灑，偃蹇旂旆卷以舒。逾梁下坂笳鼓咽，喘噪遂走玄宮閭。哭聲訇天，百鳥噪幽坎。晝閉空靈輿，皇帝孝心深。且遠資送禮，備無羸餘設。官置衛鎖，嬪妓供養朝夕。象平居，臣聞神道尚清淨。三代舊制存，諸書墓藏廟祭不可亂。欲言非職知何如。

拜豐陵

張籍

歲朝園寢遣公卿，學省班中亦攝行。身逐陸官齊再拜，手持木鐸叩三聲。寒更報點來山殿，曉炬分行照栢城。却下龍門看漸遠，金峰高處日微明。

仲秋太常寺觀公輅車拜陵

苗仲芳

南宮初開律，金風已戒涼。拜陵將展敬，車輅儼成行。士庶觀祠禮，公卿習舊章。郊原佳氣引，園寢瑞煙長。鹵薄辭丹闕，威儀列太常。聖心何所寄，惟德在無忘。

朝拜元陵

包佶

宮前石馬對中峰，雲裏金鋪閉幾重。不見露盤迎曉

唐詩類苑 卷之二十一
日唯聞木斧扣寒松

題孝子陵

耿 漳

荒墳秋陌上霜露正霏霏
松柏自成拱苦廬長不歸
浮埃積蓬鬢流血存麻衣
何必曾參傳千年至行稀

比干墓

徐彥伯

大位天下寶維賢國之鎮
殷道微而在受辛篡頽胤
山鳴鬼又哭地裂川亦震
媒黷皆佞諛虔劉盡英雋
孤臣帝叔父特進貞而順
玉昧逾皜潔銅柱方歆歔
奉國歷三朝觀竅明一瞬
季伐狷狂生蓄怒提白刃
之子彌忠讓憤然更勇進
撫膺誓隕越知死故不恡

已矣竟剖心誓婦亦同殉
驪龍暴雙骨太嶽摧孤伉
周發吹鎬郊寃骸悲莫殞
劔鋒殲遺孽服復一何迅
駐罕歌淑靈命徒封旅襯
自爾御幽酷于嗟流駿問
正墳被宿莽壇所綠飛燐
貞觀戒卜征維皇念忠信
荒墳護草木刻楠吹煨燼
代遠思更崇身顏名益振
帝詞書樂石國饌羅芳潤
偉哉烈士圖竒英千古狗
弔比干墓 孟 郊

殷辛帝天下厭爲天下尊
乾綱旣一斷賢愚無二門
佞是福身本忠是喪已源
餓虎不食子人無骨肉恩
日影不入地下埋寃死魂
有骨不爲土應作直木根

今來過此鄉下馬弔此墳靜念君臣間有道誰敢論

懷王墓

張說

咿嚶不可信似此敗懷王客死嶢關路返葬岐江陽
啼狄抱山月饑狐獵野霜一聞懷沙事千載盡悲涼

長沙桓王墓下別李紆張南史

劉長卿

長沙千載後春草獨淒淒流水朝將暮行人東復西
碑苔幾字滅山木萬株齊佇立傷今古相看惜解攜

過白起墓

曹鄴

毗陵火焰滅長平生氣低將軍臨老病賜劍咸陽西

奉和聖製過王濬墓應制

張說

斗牛三分國龍驤一統年智高寧受制風急肯迴船
有策擒吳皓無言讓范宣投孤因勢屈功誦為讒偏
舊迹灰塵散枯墳故老傳百代逢明主何辭死道邊

奉和聖製過王濬墓應制

張九齡

漢王思鉅鹿晉將在弘農入蜀舉長笑平吳成大功
與渾雖不協歸浩實為雄孤績淪千載流名感聖衷
萬乘度荒隴一顧凜生風古節猶不棄今人爭效忠

王濬墓下作

李賀

人間無阿童猶唱水中龍白草侵煙死秋梨遶地紅

古書平黑石神劍斷青銅耕勢魚鱗起墳科馬鬣封
菊花垂濕露棘逕臥乾蓬松栢愁香澀南原幾夜風
弔王將軍墓 常建

嫖姚北伐時深入強千里戰餘落日黃軍敗鼓聲死
嘗聞漢飛將可奪單于壘今與山鬼隣殘兵哭遼水

過王濬墓

羅隱

男兒未必盡英雄俱到時來命卽通若使吳都由王
氣將軍何處立殊功

過王濬墓

羅鄴

埋骨千年近路塵路傍碑號晉家軍當時若使無功

業早箇耕桑到此墳

別房太尉墓

杜甫

他鄉復行役駐馬別孤墳近淚無乾土低空有斷雲
對碁陪謝傅把劍覓徐君唯見林花落鸞啼送客聞

周平西墓

權德輿

英威今寂寞陳迹對崇丘壯志清風在荒墳白日愁
窮泉那復曉喬木不知秋晚歲寒塘側無人水自流

過高將軍墓

白居易

原上新墳委一身城中舊宅有何人妓堂賓閣無歸
日野草山花又欲春門客空將感恩淚白楊風裏一

唐詩類苑 卷之二十七 三十一

沾巾

經蘇秦墓

沙埋古篆折碑文六國興亡事繫君今日淒涼無處
說亂山秋盡有寒雲

賈島

過張平子墓

西鄂譚通理南州擅德音玉卮浮藻麗銅渾積思深
忽懷今日昔非復昔時今日往豐碑閣風來古木吟
唯嘆窮泉下思鬱羨魚心

溫庭筠

過孔北海墓

撫事如神遇臨風獨涕零墓平春草綠碑折古苔青

珪玉埋英氣山河孕炳靈發言驚辨囿搗翰動文星
蘊策期于世持權欲反經激揚思壯志流落嘆頽齡
惡木人皆息貪泉我獨醒輪轅無匠石刀几有庖丁
碌碌迷藏器規規守挈瓶憤容凌鼎鑊公議動朝廷
故國將辭寵危邦竟緩刑鈍工磨白壁凡石礪青萍
揭日昭東夏搏風滯北溟後塵遵軌轍前席詠儀形
木秀當憂悴弦傷不底寧矜誇遭斥鷃光彩困飛螢
白羽留譚柄清風襲德馨鸞凰嬰雪刃狼虎犯雲屏
蘭蕙遺荒址榛蕪蔽舊垆輾轅近沂水何事戀明庭

溫庭筠

過陳琳墓

唐詩類苑 卷之二十七
曾於青史見遺文今日飄零過古墳詞客有靈應識
我霸才無主始憐君石麟埋沒藏春草銅雀荒涼對
暮雲莫怪臨風倍惆悵欲將書劍學從軍

經李翰林墓

殷文珪

詩中日月酒中仙平地雄飛上九天身謫蓬萊金籍
外寶裝方丈玉堂前虎靴醉索將軍脫鴻筆悲無令
子傳十字遺碑三尺墓只應吟客弔秋煙

經李白墓

項斯

夜郎歸未老醉死此江邊堊闕官家禮詩殘樂府篇
遊魂應到蜀小碣豈旌賢身沒猶何罪遺墳野火燃

李白墓

白居易

采石江邊李白墳遶田無限草連雲可憐荒隴窮泉
骨曾有驚天動地文但是詩人多薄命就中淪落不
過君

途經李翰林墓

許渾

氣逸何人識才高舉世疑禰生狂善一作賦陶令醉
能一作吟詩碧水鱸魚怨青山鵬鳥悲至今孤塚在荆
棘楚江湄

經來陽杜工部墓

羅隱

紫菊馨香覆楚醪奠君江畔雨蕭騷旅魂自是才相

唐言類考 卷之二十一
累閑骨何妨塚更高
騏驎喪來空蹇蹶
芝蘭衰後長蓬蒿
屈原宋玉憐君處
幾駕青螭緩鬱陶

過四皓墓

李白

我行至商洛幽獨訪神仙
園綺復安在雲蘿尚宛然
荒涼千古跡蕪沒四墳連
伊昔鍊金鼎何言閉玉泉
隴寒唯有月松栢漸無煙
木魅風號去山精雨嘯旋
紫芝高詠罷青史舊名傳
今日併如此哀哉信可憐

過徐穉墓

陳陶

邾鄆妖興炎漢衰
先生南國臥明夷
鳳凰屢降玄纁禮
瓊石終藏烈火詩
禁掖衣冠加宋鵲
湖山耕釣沒

堯詩

一作師

千年隴樹何人哭
寂寞蒼苔內史碑

遠公墓

僧靈澈

古墓石稜稜寒雲晚景疑
空悲虎溪月不見鴈門僧

孟浩然墓

羅隱

數步荒榛接舊蹊
寒江漠漠草萋萋
鹿門黃土無多少
恰到書生塚便低

過顏處士墓

白居易

向墳道徑沒荒榛
滿室詩書積閭塵
厚夜肯教黃壤曉
悲風不許白楊春
簞瓢顏子生仍促
布被黔婁死更貧
未會悠悠天上意
惜將富壽與何人

劉得仁墓

韋莊

至公遺至藝終抱玉寃沈名有詩家業身無戚里心
桂和秋露滴松帶夜風吟冥冥知春否墳蒿日已深

過亡友墓

馬戴

憶昨送君塋今看墳樹高尋思後期者只是益生勞

昭君墓

常建

漢宮豈不死異域傷獨沒萬里馱黃金蛾眉為枯骨
迴車夜出塞立馬皆不發共恨丹青人塚上哭明月

過樊妃墓

張九齡

郢城西北有大古塚數十觀其封域多是楚時諸

王而年代久遠不復可識唯直西有樊妃塚因後
人為植松柏故行路盡知之

蘋藻生南澗蕙蘭秀中林嘉名有所在芳氣無幽深
楚子初逞志樊妃嘗獻箴能令更擇士非直罷從禽
舊國皆湮滅先王亦莫尋唯傳賢媛隴猶結後人心
牢落山川意蕭疎松柏陰破墻時直上荒徑或斜侵
惠問終不絕風流獨至今千春思窈窕黃鳥復哀音

登九里臺

是楚樹大
妃墓

張說

楚國所以霸樊姬有力焉不懷沈尹祿唯諳叔敖賢
萬化茫無在孤墳獨巋然北分陽臺陌南識郢城阡

漠漠諸宮樹蒼蒼雲夢田登高形勝出訪古今名傳
自我來符守因君樹蕙荃詩書將變俗締續忽彌天
志闡三折后愁值二毛前佇立帝京路遙心寄此篇

驪姬墓

岑參

驪姬北原上閉骨已千秋澮水日東注惡名終不流
獻公恣耽惑視子如仇讐此事成蔓草我來逢古丘
蛾眉山月落蟬鬢野雲愁欲弔二公子橫汾無輕舟

貞女墓

邵謁

生持節操心死作堅貞鬼至今墳上春草木無花卉

姑蘇真娘墓

墓在虎丘西寺內

羅隱

春草荒墳墓萋萋向虎丘死猶嫌寂寞生肯不風流
皎鏡山泉冷輕裾海霧秋還應伴西子香逕夜深遊

題真娘墓

張祐

佛地塋羅衣孤魂此是歸舞為蝴蝶夢歌謝伯勞飛
翠髮朝雲在青蛾夜月微傷心一花落無復怨春暉

和人題真娘墓

李商隱

虎丘山下劍池邊長遣遊人歎逝川冑樹斷絲悲舞
席出雲清楚梵想歌筵柳眉空吐效嚙葉榆莢還飛買
笑錢一自香奩招不得祗應江上獨嬋娟

真娘墓

白居易

真娘墓虎丘道不識真娘鏡中面唯見真娘墓頭草
霜摧桃李風折蓮真娘死時猶少年脂膚美手不牢
固世間有物難留連難留連易銷歇塞北花江南雪
真娘墓

譚 銖

虎丘山下塚纍纍松栢蕭條盡可悲何事世人偏重
色真娘墓上獨題詩

經漂母墓

劉長卿

昔賢懷一飯茲事已千秋古墓樵人識前朝楚水流
渚蘋行客薦山木杜鵑愁春草茫茫綠王孫舊此遊
蘇小小墓

萬木荒墳在悠然我獨尋寂寥紅粉盡冥漠黃泉深
蔓草映寒水空郊暖夕陰風流有佳句吟眺一傷心

蘇小小墓

羅 隱

魂兮雋里城由未有人耕好月當年事殘花觸處情
向誰曾艷冶隨分得聲名應待吳王日蘭橈暗送迎
題蘇小小墓

張 祐

漠漠窮塵地蕭蕭古樹林臉濃花自發眉恨柳長深
夜月人何待春風鳥自吟不知誰共穴徒願結同心

蘇小小墓

李 賀

幽蘭露如啼眼無物結同心煙花不堪剪草如茵松

唐詩類苑 卷之二十一
如蓋風爲裳水爲珮油壁車久相待冷翠燭勞光彩
西陵下風吹雨

過小妓英英墓

楊虞卿

蕭晨騎馬出皇都聞說埋冤在路隅別我已爲泉下
土思君猶似掌中珠四絃品柱聲初絕三尺孤墳草
已枯蘭質蕙心何所在焉知過者是狂夫

路傍墓

耿 漳

石馬雙雙當古樹不知何代公侯墓墓前靡靡春草
深唯有行人看碑路

飲城南道邊古墓上逢中丞過贈禮部衛員

外少室張道士

韓 愈

偶上城南土骨堆共傾春酒三五盃爲逢桃樹相料

一作聊理不覺中丞喝道來

漢陰弔崔員外墳

戎 昱

遠別望有歸葉落望春暉所痛泉路人一去無還期
荒墳遺漢陰墳樹啼子規存歿抱冤滯孤魂意何依
豈無骨肉親豈無深相知曝露不復問高名亦何爲
相攜慟君罷春日空遲遲

弔杜工部墳

僧貫休

鵬翅蹋於斯明君知不知域中詩價大荒外土墳卑

瘴雨無時滴蠻風有穴吹惟應李太白精魄往來疲
過漢南城歎古墳 張說

舊國多陵墓荒涼無歲年
洶湧蔽平岡淚若波濤連
上世千金子潛臥九重泉
松柏剪無餘碑記滅罔傳
塋於不毛地咸謂楚先賢
事盡情可識使人心悵然

蔡中郎墳

溫庭筠

古墳零落野花春聞說中郎有後身
今日愛才非昔日莫拋心力作詞人

過京索先生墳

賈島

京索先生三尺墳秋風漠漠吐寒雲
從來有恨君多

哭今日何人更哭君

弔李元瀆墳

孟郊

曉上荒涼原弔彼冥冥魂眼咽
此時淚耳悽在日言
寂寂千萬年墳鎖孤松根

漂母墳

羅隱

寂寂荒墳一水濱蘆洲絕島自相親
青蛾已落淮邊月白骨甘為泉下塵
原上荻花飄素髮道傍菰葉碎
羅巾雖然寂寞千秋魄猶是韓侯舊主人

賦昭君塚

張祜

萬里關山塚明妃舊死心恨為秋色
晚愁結暮雲陰

夜切胡風起天高漢月臨已知無玉貌何事送黃金

青塚

白居易

上有饑鴈號下有枯蓬走茫茫邊雪裏一掬沙培塿
傳是昭君墓埋閉蛾眉久疑脂化爲泥鉛黛復何有
唯有陰怨氣時生墳左右鬱鬱如苦霧不隨骨銷朽
婦人無他才榮枯繫妍否何乃明妃命獨懸盡工手
丹青一註誤白黑相紛紜遂使君眼中西施作嫫母
同儕傾寵幸異類爲配偶禍福安可知美顏不如醜
何言一時事可戒千年後特報後來姝不須倚眉首
無辭插荆釵嫁作貧家婦不見青塚上行人爲澆酒

青塚

張蠟

傾國可能勝効國無勞冥冥更思回太真雖是承恩
死祇作飛塵向馬嵬

青塚

杜牧

青塚前頭隴水流燕山山上暮雲秋蛾眉一墜窮泉
路夜夜孤魂月下愁

宮人塚

杜牧

盡是離宮院中女苑墻城外塚纍纍少年入內教歌
舞不識君王到老時

登村東古塚

白居易

唐詩類苑 卷之二十一
高低古時塚上有牛羊道獨立最高頭悠哉此懷抱
迴頭向村望但見荒田草村人不愛花多種粟與棗
自來此村住不覺風光好花少鶯亦稀年年春暗老
古塚
曹松
代遠已難問纍纍次古城民田侵不盡客路踏還平
作穴虵分蟄依岡鹿繞行唯應風雨夕鬼火出林明
弔萬人塚
張蠩
兵罷淮邊客路通亂鷗來去噪寒空可憐白骨攢孤
塚盡爲將軍覓戰功

弔北邙

曹松

山下望山上夕陽名又曛無人鬢白髮少地着新墳
歲代殊相遠賢愚旋不分東歸聊一弔亂木倚寒雲

邙山

沈佺期

北邙山上列墳塋萬古千秋對洛城城中日夕歌鐘
起山上唯聞松柏聲

過北邙山

劉滄

散漫黃埃滿北原折碑橫路碾苔痕空山夜月來松
影荒塚春風變木根漠漠兔絲羅古廟翩翩丹旆過
孤村白楊落日悲風起蕭索寒巢鳥獨奔

北邙山

王建

北邙山頭少閒土盡是洛陽人舊墓舊墓一作洛陽人家
歸塋多堆著黃金無買處天涯悠悠塋日促崗坂崎
嶇不停轂高張素幙繞銘旌夜唱挽歌山下宿洛陽
城北復城東魂車祖馬長相逢車轍廣若長安路蒿
草少於松柏樹澗底盤陀一作山頭澗底石漸稀盡向墳前
作羊虎誰家古一作石碑文字滅後人重取書年月朝
朝車馬送塋迴還起大宅與高臺

北邙行

張籍

洛陽北門北邙道喪車麟麟入秋草車前齊唱薤露
歌高墳新起日峨峨朝朝暮暮人送塋洛陽城中人

更多千金立碑百尺高終作誰家柱下石山頭松柏
半無主地下白骨多於土寒食家家送紙錢烏鳶作
窠街上樹人居朝市未解愁請君暫向北邙遊

宮人斜

來鵠

幾多紅粉委黃泥野鳥如歌又似啼應有春魂爲化
燕年來飛入未央樓

和李都官郎中經宮人斜 羊士諤

翡翠無窮掩夜泉猶疑一半作神仙秋來還照長門
月珠露寒花是野田

宮人斜

一路斜分古驛前
陰風切切晦秋煙
鉛華新舊共冥
寞日暮愁鴉飛野田

宮人斜

竇鞏

離宮路遠北原斜
生死恩深不到家
雲雨今歸何處
去黃鸝飛上野棠花

宮人斜

陸龜蒙

草樹愁煙似不春
晚鶯哀怨問行人
須知一種埋香
骨猶勝昭君作虜塵

春日古道傍作

杜牧

萬古榮華旦暮齊
樓臺春盡草萋萋
君看陌上何人

墓旋化紅塵送馬蹄

唐詩類苑卷第二十八

明雲間張之象玄超甫纂輯

雲間張所敬長輿甫編次

雲間王徹叔朗甫補訂

梁谿曹仁孫伯安甫校正

山部

總山

詠山

李嶠

地鎮標神秀峨峨上翠氛
泉飛一道帶峰出半天雲
古壁丹青色新花綺繡紋
已開封禪所希謁聖明君

唐詩類苑 卷之二十八
詠小山

太宗

近谷交縈藥逢峯對出蓮徑細無全磴松小未含煙

七祖院小山

鄭谷

小巧功成雨蘚斑軒車日日扣松關峨嵋咫尺無人
去却向僧牕看假山

小山歌

萬楚

人說淮南有小山淮王昔日此登仙城中鷄犬皆飛
去山上壇場今宛然世人貴身不貴壽共笑華陽洞
天口不知金石變長年謾在人間戀攜手君能舉帆
至淮南家住盱眙余先諳桐栢千年平入海茱萸一

曲沸成潭憶記來時魂悄悄想見仙山衆峰小今日
長歌思不堪君行爲報三春鳥

高山引

宋之問

攀雲窈窕兮上躋懸峯長路浩浩兮此去何從水一
曲兮腸一曲山一重兮悲一重松檟邈已遠友于何
日逢況滿室兮童稚攢衆慮於心胸天高難訴兮遠
負明聰却望咸京兮揮涕龍鍾

南山詩

韓愈

吾聞京城南茲維群山圍東西兩際海巨細難悉究
山經及地志茫昧非受授團辭試提挈挂一念萬漏

厚言卷之二十一
欲休諒不能麤敘所經觀嘗昇崇丘望戢戢見相湊
晴明出稜角縷脉碎分繡蒸嵐相瀕洞表裏忽通透
無風自飄簸融液煦柔茂橫雲時平凝點點露數岫
天空浮修眉濃綠畫新就孤撐有巉絕海浴褰鵬嚼
春陽潛沮洳濯濯吐深秀巖巒雖律萃輒弱類含酎
夏炎百木盛蔭鬱增埋覆神靈日歆歆雲氣爭結構
秋霜喜刻轢磔卓立癯瘦參差相疊重剛耿陵宇宙
冬行雖幽黑冰雪工琢鏤新曦照危峨億丈恒高袤
明昏無停態頃刻異狀候西南雄太白突起莫間筵
藩都配德運分宅占丁戊逍遙越坤位詆訐陷乾竇

空虛寒兢兢風氣較搜漱未維方燒日陰霰縱騰糅
昆明大池北去覲偶晴晝絲聯窮俯視倒側困清漚
微瀾動水面踴躍躁猱狄驚呼惜破碎仰喜呀不仆
前尋徑杜墅全菽畢原陋崎嶇上軒昂始得觀覽富
行行將遂窮嶺陸煩互走勃然思坼裂擁掩難恕宥
巨靈與夸娥遠賈音古期必售還疑造物意固護蓄精
祐力雖能排幹雷電怯呵詬攀緣脫手足蹭蹬抵積
甃茫茫如試矯首塌塞生恂愁威容喪肅爽近新迷遠
舊拘官計日月欲進不可又因緣窺其湫凝湛閔陰
罌魚蝦可俯掇神物安敢寇林柯有脫葉欲墮鳥驚

唐言類考 卷之二十一
救爭銜彎環飛投棄急哺敷旋歸道迴睨達枿壯復
奏吁嗟信竒怪峙質能化質前年遭譴謫探歷得邂
逅初從藍田入顧眊勞頸脰時天晦大雪淚目苦朦
瞶峻塗拖長冰直上若懸溜褰衣步推馬顛蹶退且
復蒼黃忘遐晷所矚纔左右杉篁咤蒲蘇杲耀攢介
胄專心憶平道脫險逾避臭昨來逢清霽宿願忻始
副崢嶸躋冢頂倏閃雜颯馳前低劃開闊爛漫堆衆
皴或連若相從或蹙若相鬪或妥若弭伏或竦若驚
雉或散若瓦解或赴若輻湊或翩若船遊或決若馬
驟或背若相惡或向若相佑或亂若抽筍或嶮若注

灸或錯若繪畫或繚若篆籀或羅若星離或蒼若雲
逗或浮若波濤或碎若鋤耨或如賁育倫賭勝勇前
購先強勢已出後鈍嗔誼譎或如帝王尊叢集朝賤
幼雖親不褻狎雖遠不悖謬或如臨食案肴核紛飭
餽又如遊九原墳墓包槨柩或纍若盆罌或揭若甌
豆或覆若曝鼈或頽若寢獸或蜿若藏龍或翼若搏
鷲或齊若友朋或隨若先後或迸若流落或顧若宿
留音溜或戾若仇讎或密若婚媾或儼若峨冠或翻若
舞袖或屹若戰陣或圍若蒐狩或靡然東注或偃然
北首或如火熺焰或若氣饋餽或行而不輟或遺而

厚言類考 卷之二十一
不收或斜而不倚或弛而不彀或赤若禿鬣或燠若
柴樵或如龜拆兆或若卦分繇或前橫若剝或後斷
若姤延延離又屬夬夬叛還遘喁喁魚闖萍落落月
經宿閭閭樹墻垣巘巘架庫廡參參削劒戟煥煥銜
瑩琇敷敷花披萼闐闐屋摧雷悠悠舒而安兀兀狂
以狙超超出猶奔蠢蠢駭不懋大哉立天地經紀肖
營媵厥初孰開張僂俛誰勸侑創茲朴而巧戮力忍
勞疚得非施斧斤無乃假詛呪鴻荒竟無傳功大莫
酬儼嘗聞於祠官芬苾降歆臭斐然作歌詩惟用贊
報醕

南山

賀朝清

湖北雨初晴湖南山盡見青天石帆影如得海風便
仙穴茅山峰彩雲時一見邀君共保此異錄殘幾卷
劉侍讀見和山邱篇什重申此贈

李嶠

神嶽瑤池圃仙宮玉樹林垂時警天御清暑滌宸襟
梁駕陪玄賞涵庭掩翠岑對巖龍岫出分壑鳳池深
簷迴松蘿映牕高石鏡臨落泉奔澗響驚吹助猿吟
野氣迷涼燠山花雜古今英藩盛賓侶勝境相招尋
踐徑披蘭葉攀崖引桂陰穆生時泛醴鄒子或調琴

雉翳分場合魚鈞向浦沈朝遊極斜景夕宴待橫參
顧已慙鉛鍔叨名齒璫簪暫依朱邸館還暢白雲心
丘壑信多美煙霞得所欽寓言攄宿志竊吹簡知音
獎價踰珍石酬文重振金方從仁智所攜手濯清潯

山行

殷 遙

寂歷青山曉山行趣不稀野花成子落江燕引鷗飛
暗草薰苔徑晴陽拂石磯俗人猶語此余亦轉忘歸

山行偶作

馬 戴

緣危路忽窮投宿值樵翁鳥下山含暝蟬鳴露滴空
石門斜月入雲竇暗泉通寂寞生幽思心疑舊隱同

春山行

僧貫休

重疊太古色濛濛花雨時好山行恐盡流水語相隨
黑壤生紅朮黃猿領白兒因思石橋畔曾與道人期

秋山極天淨

朱延齡

雨洗高秋淨天臨大野閑蔥籠清萬象繚繞出層山
日落千峯上雲銷萬壑間綠蘿霜後翠紅葉雨來殷
散彩輝吳甸分形壓楚關欲尋霄漢路延首願登攀

問李二司直所居雲山

皇甫冉

門外水流何處天邊樹遶誰家山色東西多少朝朝
幾度雲遮

遠山

皇甫冉

少室盡西峯鳴臯隱南面柴門縱復關終日牕中見

賦得望遠山送客歸

僧無可

遙山寒雨過正向暮天橫隱隱凌雲出一作蒼蒼與

共一作水平何時凝厚地幾處映孤城歸客秋風裏迴

看傷別情

登山歌

皇甫冉

青山前青山後登高望兩處處處今何有煙景滿川

原離人堪白首

下山歌

宋之問

下嵩山今多所思攜佳人今步遲遲松間明月長如

此君再遊今復何時

和宋之問下山歌

賈曾

良遊晚晚今月生光紅錦逶迤今山路長王孫不畱

今歲將晏嵩巖仙草今為誰芳

盛山十二首

韋處厚

隱月岫

初映鈎如線終銜鏡似鈎遠澄秋水色高倚曉河流

流杯渠

激曲縈飛箭浮溝泛滿卮將來山太守草向習家池

竹巖

不資冬日秀爲作暑天寒先植誠非鳳來翔定是鸞
繡衣石榻

巖巖雪中嶠磊落標方峭勿爲枕蒼山還當礎清廟
宿雲亭

梅谿

雨合飛危砌天開卷曉牕齊平聯郭柳帶繞抱城江
夾岸疑輕素交枝漾淺淪味調方薦實臘近又先春
桃塢

噴日舒紅景通蹊茂綠陰終期王母摘不羨武陵深

胡盧沼

疏鑿徒爲巧圓窪目可澄倒花紛錯秀鑑月靜涵水
茶嶺

顧渚吳商絕蒙山蜀信稀千叢因此始含露紫茸肥
盤石磴

琵琶臺

繚繞緣雲上璘玢甃玉聯高高曾幾折極月瞰秋鳶
編地難層疊因崖遂削成淺深嵐嶂色盡向此中呈
上士餅泉

綆汲豈無井顛巖貴非浚願洗塵垢餘一雨根莖潤

杜牧

送故人歸山
三清洞裏無端別又拂塵衣欲卧雲看著挂冠迷處
所北山蘿月在移文

土山

杜甫

天寶初南曹小司寇舅於我太夫人堂下累土為
山一簣盈尺以代彼朽木承諸焚香瓷甌甚安
矣旁植慈竹蓋茲數峯嶽岑嬋娟宛有塵外數致
乃不知興之所至而作是詩

一簣功盈尺三峯意出群望中疑在野幽處欲生雲
慈竹春陰覆香爐曉勢分惟南將獻壽佳氣日氛氲

壘土山

白居易

堆土漸高山意出終南移入戶庭間玉峯藍水應惆
悵恐見新山忘舊山

和裴僕射相公假山十一韻

韓愈

公乎真愛山看山旦連夕猶嫌山在眼不得著脚歷
枉語山中人句我澗側石有來應公須歸必載金帛
當軒乍駢羅隨勢忽開坼有洞若神剗有巖類天劃
終朝巖洞間歌鼓燕賓戚孰謂衡霍期近在王侯宅
傳氏築已卑磻谿釣何激逍遙功德下不與事相撫

唐詩類苑 卷之三十六 九
樂我盛明朝於焉傲今昔

奉和太常韋卿閣老左藏庫中假山之什

權德輿

春山僊掌百花生
九棘腰金有上才
忽向庭中摹峻極
如從洞裏見昭回
小松已負干霄壯
片石皆疑縮地來
都內今朝似方外
仍傳麗句寄雲臺

故山

黃滔

支頤默省舊林泉
石徑茅堂到目前
衰碧鳴蛩莎有露
濃陰歇鹿竹無煙
水從井底通滄海
山在牕中倚遠天
何事蒼髯不歸去
燕昭臺上一年年

泰山

遊泰山六首

李白

四月上泰山石屏御道開
六龍過萬壑澗谷隨縈迴
馬跡遶碧峯於今滿青苔
飛流灑絕巘水急松聲哀
北眺崕嶂竒傾崖向東摧
洞門閉石扇地底興雲雷
登高望蓬瀛想像金銀臺
天門一長嘯萬里清風來
玉女四五人飄颻下九垓
含笑引素手遺我流霞杯
稽首再拜之自愧非仙才
曠然小宇宙棄世何悠哉

二

清曉騎白鹿直上天門山
山際逢羽人方瞳好容顏

唐詩類苑 卷之三十六
捫蘿欲就語却掩青雲關遺我鳥跡書飄然落巖間
其字乃上古讀之了不閑感此三嘆息從師方未還

三

平明登日觀舉手開雲關精神四飛揚如出天地間
黃河從西來窈窕入遠山憑崖攬八極目盡長空閑
偶然值青童綠鬢雙雲鬟笑我晚學仙蹉跎凋朱顏
躊躇忽不見浩蕩難追攀

四

清齋三十日裂素寫道經吟誦有所得衆神衛我形
雲行信長風颯若羽翼生攀崖上日觀伏檻窺東溟

海色動遠山天鷄已先鳴銀臺出倒景白浪翻長鯨
安得不死藥高飛向蓬瀛

五

日觀東北傾兩崖夾雙石海水落眼前天光遙空碧
千峯爭攢聚萬壑絕凌歷緬彼鶴上仙去無雲中跡
長松入雲漢遠望不盈尺山花異人間五月雪中白
終當遇安期於此鍊玉液

六

朝飲王母池暝投天門關獨抱綠綺琴夜行青山間
山明月露白夜靜松風歇仙人遊碧峰處處笙歌發

唐詩類苑 卷之二十八
寂聽娛清暉玉真連翠微想像鸞鳳舞飄颻龍虎衣
捫天摘匏瓜恍惚不憶歸舉手弄清淺誤攀織女機
明晨坐相失但見五雲飛

送范山人歸泰山

李白

魯客抱白鶴別余往泰山初行若片雪杳在清崖間
高高至天門海日近可攀雲生望不見此去何時還

望嶽

杜甫

南嶽配朱鳥秩禮自百王歛吸領地靈鴻洞半炎方
邦家用祀典在德非馨香巡狩何寂寥有虞今則亡
洎吾隘世網行邁越瀟湘渴日絕壁出漾舟清光旁

祝融五峯尊峯峯次低昂紫蓋獨不朝爭長巖相望
恭聞魏夫人群仙夾翱翔有時五峰氣散風如飛霜
牽迫限脩途未暇杖崇岡歸來覬命駕沐浴休玉堂
三歎問府主曷以贊我皇牲璧忍衰俗神其思降祥

望嶽

杜甫

岱宗夫如何齊魯青未了造化鍾神秀陰陽割昏曉
盪胸生層雲決眚入歸鳥會當凌絕頂一覽衆山小

衡山

江上送女道士褚三清遊南嶽

李白

唐言類苑 卷之二十八
吳江女道士頭戴蓮花巾霓衣不濕雨特異陽臺神
足下遠遊履凌波生素塵倦尋向南嶽應見魏夫人

與諸公送陳郎將歸衡陽

并序

李白

仲尼旅人文王明夷苟非其時聖賢低眉况僕之
不肖者而遷逐枯槁固非其宜朝心不開暮鬢盡
白而登高送遠使人增愁陳郎將義風凜然英思
逸發來下曹城之榻去邀才子之詩動清興於中
流泛素波而徑去諸公仰望不及連章祖之序漸
起予輒冠名賢之首作者嗤我乃爲撫掌之資乎

衡山蒼蒼入紫冥下看南極老人星迴飈吹散五峯
雪往往飛花落洞庭氣清嶽秀有如此郎將一家拖
金紫門前食客亂浮雲世人皆比孟嘗君江上送行
無白壁臨岐惆悵若爲分

望衡山

劉禹錫

東南已蓋卑維嶽資柱石前當祝融居上拂朱鳥翮
青冥結精氣磅礴宣地脉還聞膚寸陰能致彌天澤

送道士于千齡游南嶽

崔塗

物外與誰期人間又別離四方多事日高嶽獨游時
猿狖瀟湘對煙波屈宋祠無因陪此去空惜鬢將衰

華山

華嶽

王維

西嶽出浮雲積翠在大清連天疑黛色百里遙青冥
白日為之一作寒森沈華陰城昔聞乾坤閉一作造

一作化生巨靈右足踏方止一作左右推削成天地

忽開拆大河注東溟遂為凶峙嶽一作雄雄鎮秦京

大君包履載至德被群生上帝佇昭告金天思奉迎
人祇望幸久何獨禪雲亭

華山西岡遊贈隱玄叟

顧况

群峯鬱初霽潑黛若髮沐失風鼓哈呀搖撼千灌木

木葉微墮黃石泉淨停綠危磴蘿薜牽迴步入幽谷
我心寄青霞世事慙蒼鹿遂令巢許輩於焉謝塵俗
想是悠悠雲可契去留躅

華山歌

劉禹錫

洪鑪作高山元氣鼓其橐俄然神功就峻拔在寥廓
靈跡露指爪殺氣見稜角凡木不敢生神仙聿來託
天資帝王宅以我為關鑰能令下國人不見換神骨
高山固無限如此方為嶽丈夫無特達雖貴猶碌碌

華山

張喬

誰將倚天劒削出倚天峯眾水背流急他山相向重

樹黏青靄合崖夾白雲濃一夜盆傾雨前湫起毒龍

華山

鄭谷

峭仞聳巍巍晴嵐染近畿孤高不可狀圖寫盡應非
絕頂神仙會半空鸞鶴歸雲臺分遠靄樹谷隱斜暉
墮石連村響狂雷發廟威氣中寒渭闊影外白樓微
雲對蓮花落泉橫露掌飛乳懸危磴滑樵徹上方稀
澹泊生真趣逍遙息世機野花明澗路春蘚澀松圍
遠洞時聞磬群僧晝掩扉他年洗塵骨香火願相依

華山

李洞

碧山長凍地長秋日夕泉源聒華州萬戶煙侵關令

宅四時雲在使君樓風驅雷電臨河震鶴引神仙出
月遊峯頂高眠靈藥熟自無霜雪入人頭

觀華嶽

祖詠

西入秦關口南瞻驛路連彩雲生闕下松栢到祠邊
作鎮當官道雄都俯大川危峯徑上處彷彿有神仙

望太華贈盧司倉

陶翰

作吏列西華乃觀三峯壯戍削元氣中傑出天漢上
如有飛動色不知青冥狀巨靈安在哉厥跡猶可望
方此顧行旅未由飭仙裝蔥隴記星壇明滅數雲障
良友垂真契宿心所微尚敢投歸山吟霞徑一相訪

關門望華山

劉長卿

客路瞻太華三峯高際天夏雲亘百里合沓遙相連
雷雨飛半腹太陽在其巔翠微關上近一作瀑布林
梢懸愛此衆容秀能令西望徧徘徊忘暝色泱泱成
陰煙曾是朝百靈亦聞會群仙瓊漿豈易挹毛女非
空傳髣髴仍佇想幽竒如眼前金天有清廟松栢隱
蒼然

望嶽

杜甫

西嶽峻嶒竦處尊諸峯羅立似兒孫安得仙人九節
杖柱到玉女洗頭盆車箱入谷無歸路箭括通天有

一門稍待秋風涼冷後高尋白帝問真源

行經太華

孔德紹

紛吾世網暇靈嶽展幽尋寥廓風塵遠杳冥川谷深
山昏五里霧日落二華陰疎峯起蓮葉危塞隱桃林
何必東成外此處可抽簪

途經華嶽

玄宗

飭駕去京邑鳴鑾指洛川循途經太華迴蹕暫周旋
翠萼留斜影懸巖冒夕煙四方皆石壁五位配金天
彷彿看高掌依稀聽子先終當銘歲月從此記靈仙
奉和聖製途經華嶽應制 張說

西嶽鎮皇京中峯入太清玉鑿重嶺應緹騎薄雲迎
霽日懸高掌寒空映削成軒游會神處漢幸望仙情
舊廟清林古新碑綠字生群臣願封岱還駕勒鴻名

奉和聖製途經華嶽應制 張九齡

萬乘華山下千巖雲漢中靈居雖突密睿覽忽玄同
日月臨高掌神仙仰大風攢峯勢岌岌翊輦氣雄雄
揆物知幽贊銘勲表聖衷會應陪檢玉來此告成功

行經華陰 崔顥

岵嶺大華俯咸京天外三峯削不成武帝祠前雲欲
散仙人掌上雨初晴河山北枕秦關險驛樹西連漢

時平借問路傍名利客無如此處學長生

過華陰 王昌齡

雲起太華山雲山乍明滅東風始含景了了見松雪
羈人感幽棲睿映轉竒絕欣然忘所疲永望吟不輟
信宿百餘里出關玩新月何意乍溟溟遇物遂遷別
人生屢如此何以肆愉悅

獻華陰羅丞別 儲光羲

華山薄遊者玄髮當青春道德同仙吏尊卑即丈人
縣城俯京路獲見官舍裏淹留瓊樹枝謔浪春泉水
昔余在天目總角奉遊從寒暑遞來往今復蓮花峯

別情無遠近道別方愁予熟想古人言乃知悲風雨
華陰作貽祖三詠 儲光羲

朝行敷水上暮出華山東高館宿初靜長亭秋轉空
日餘久淪汨重此聞霜風浙瀝入溪樹颼颼驚夕鴻
悽然望伊洛如見息陽宮舊識無高位新知盡固窮
夫君獨輕舉遠近善文雄豈念千里駕崎嶇秦塞中
入華山訪隱者經仙人石壇

李益

三考四嶽下官曹少休沐久負青山諾今還獲所欲
常聞玉清洞金簡受玄籙夙駕昇天行雲遊恣霞宿

平明矯輕策捫石入空曲仙人古石壇苔遶青瑤局
陽桂凌煙紫陰蘿冒水綠隔世聞丹經懸泉注明玉
前驚羽人會白日天居肅問我將致辭笑之自相目
竦身雲遂起仰見雙白鵠墮其一紙書文字類鳥足
視之了不識三返又三復歸來問方士舉世莫解讀
何必若蜉蝣然後為跼促鄙哉宦遊子身志俱降辱
再往不及期勞歌叩山木

送田卓入華山

賈島

幽深足暮蟬驚覺石牀眠瀑布五千仞草堂瀑布邊
壇松涓滴露嶽月沈寥天鶴過君須看上頭應有仙

賦得歸雲送李山人歸華山

錢起

秀色橫千里歸雲積幾重欲依毛女岫初卷少夷峯
蓋影隨征馬衣香拂卧龍祗應函谷上真氣日溶溶

馬戴居華山因寄

賈島

玉女洗頭盆孤高不可言瀑流蓮嶽頂河注華山根
絕雀林藏鶻無人境有猿秋蟾纔過雨石上古松門

和錢華州題少華清光絕句

白居易

高情雅韻三峯守主領清光管白雲自笑亦曾爲刺

史蘇州肥膩不如君

嵩山

嵩山天門歌

宋之問

登天門兮坐磐石之磷砢前縱縱兮未半下漠漠兮
無垠紛窈窕兮巖倚披以鵬翅洞膠葛兮峯稜層以
龍鱗松移岫轉左變而右易風生雲起出鬼而入神
吾亦不知其靈恠如此願遊杳冥兮見羽人重曰天
門兮穹崇迴合兮攢藜松萬接兮柱日石千尋兮倚
空晚陰兮足風夕陽兮赭紅試一望兮奪魄况衆妙
之無窮

嵩山十志十首

并序

盧浩然

草堂

草堂者蓋因自然之溪阜前當墉洫資人力之締
構後加茅茨將以避燥濕成棟宇之用昭簡易叶
乾坤之德道可容膝休閑谷神同道此其所貴也
及靡者居之則妄為剪飾失天理矣詞曰

山為宅兮草為堂芝蘭兮葯房羅靡蕪兮拍薜荔荃
壁兮蘭砌靡蕪薜荔兮成草堂陰陰邃兮馥馥香中
有人兮信宜常讀金書兮飲玉漿童顏幽操兮不易
長

倒景臺

倒景臺者蓋太室南麓天門石崖傑峯如臺氣凌
倒景登路有三處可憩或曰三休臺可以邀馭風
之客會絕塵之子超逸真盪遐襟此其所絕也及
世人登焉則魂散神越目極心傷矣詞曰
天門豁兮仙臺聳傑屹崒兮零瀕湧窮三休兮曠一
觀忽若登崑崙兮中期汗漫仙聳天開兮倒景臺鯨
顛氣兮軼囂埃皎皎之子兮自獨立雲可朋兮赧可
吸曾何榮辱之所及

樾館

唐言類卷之二十一
樾館者蓋卽林取材基巔柘架茅茨居不期逸爲
不至勞清談娛賓斯爲尚矣及盪者鄙其隘閒苟
事宏酒乖其實矣詞曰
紫巖隈兮青磳側雲松煙蕩兮千古色芳藿靡兮蔭
蒙龍幽人構館兮在其中霍靡蒙龍兮開樾館卧風
霄兮坐赭日粵有賓兮時戾止樵蘇不爨兮清談已
永歲終朝兮常若此

枕煙庭

枕煙庭者蓋特峯秀起意若枕煙秘庭凝虛睿若
仙會卽揚雄所謂爰靜神游之庭是也可以超絕

紛世永潔精神矣及機士登焉則寥閒懔恍愁懷
情累矣詞曰

臨泱漭兮背青熒吐雲煙兮合睿冥况歛翕兮杳幽
靄意縹緲兮群仙會睿冥仙會兮枕煙庭竦魂形兮
凝視聽聞夫至誠必感兮祈此巔契顯氣養丹田終
彷彿兮覲靈仙

雲錦淙

雲錦淙者蓋激溜衝攢傾石叢倚鳴湍疊濯噴若
雷風詭輝分麗煥若雲錦可以瑩發靈矚幽玩忘
歸及匪士觀之則反曰寒泉傷玉趾矣詞曰

唐言類考 卷之二十一
水攢衝兮石叢聳煥雲錦兮噴洶湧苔駁犖兮草黃
緣芳羃羃兮瀨濺濺水石攢叢兮雲錦淙波連珠兮
文杏絳有絜員者媚此幽漱靈液兮樂天休實獲我
心兮夫何求

期仙磴

期仙磴者蓋危磴穹窿迴接雲路靈仙髣髴若可
期及儒者毀所不見則黜之蓋疑冰之談信矣詞
曰
霏微陰壑兮氣騰虹迤邐危磴兮上凌空青霞杪兮
紫雲垂鸞歌鳳舞兮吹參差鸞歌鳳舞兮期仙磴鴻

駕迎兮瑤華贈山中人兮好神仙想像聞此兮欲升
煙鑄月煉液兮竚還年

滌煩磯

滌煩磯者蓋穹谷峻崖發地盤石飛流攢激積漱
成渠澡性滌煩迴有幽致可爲智者說難爲俗人

言詞曰

靈磯盤礴兮溜奔錯漱冷風兮鎮冥壑研苔滋兮泉
珠潔一飯一憩兮氣想滅磷漣清淬兮滌煩磯靈仙
境兮仁智歸中有琴兮徽以玉峨峨湯湯彈此曲寄
聲知音兮同所欲

羃翠庭

羃翠庭者蓋崖巘積陰林蘿杳翠其上懸羃其下
深湛可以王神可以冥道矣及喧者遊之則酣詭
永日汨清薄厚詞曰

青崖陰兮月礪曲重幽疊邃兮隱淪躅草拊綿幕兮
翠蒙龍當其無兮庭在中當無有用兮羃翠庭神可
谷兮道可冥有幽人兮張素琴白玉徽兮綠水音德
之愔兮澹多心

洞元室

洞元室者蓋因巖作室卽理談玄室返自然元斯

洞矣及邪者居之則假容竊吹妄作虛誕竟以盜
言詞曰

嵐氣肅兮巖翠冥室陰虛兮戶芳迎披蕙帳兮促蘿
筵談空空兮覈元元蕙帳蘿筵兮洞元室秘而幽兮
真可吉返自然兮道可冥澤妙思兮草玄經結幽門
兮在黃庭

金碧潭

金碧潭者蓋水潔石鮮光涵金碧巖葩林蔦有助
芳陰鑿洞虛道斯勝矣而世生纏乎利害則未暇
遊之詞曰

水碧色兮石金光
灩灩兮澹湟湟
泉葩映兮煙萼
臨紅灼灼翠陰陰
翠相鮮兮金碧潭
霜天洞兮煙景
涵有幽人兮好冥
絕炳其煥兮凝其
潔悠悠千古兮
長不滅

嵩山

孟郊

沙彌舞袈裟
走向躑躅飛
閑步亦惺惺
芳援相依依
噎塞春咽喉
蜂蝶事光輝
群嬉且已晚
孤引將何歸
流豔去不息
朝英亦疎微

嵩山石淙侍宴應制

沈佺期

金輿旦下綠雲衢
彩殿晴臨碧澗隅
溪水泠泠逐行

漏山煙片片引香爐
仙人六膳調神鼎
玉女三漿捧帝壺
自惜汾陽紆道駕
無如太室覽真圖

嵩山石淙侍宴應制

宋之問

離宮秘苑勝瀛洲
別有仙人洞壑幽
巖邊樹色含風冷
石上泉聲帶雨秋
鳥向歌筵來度曲
雲依帳殿結爲樓
微臣昔忝方明御
今日還陪八駿遊

歸嵩山作

王維

清川帶長薄
車馬去閑閑
流水如有意
暮禽相與還
荒城臨古渡
落日滿秋山
迢遞嵩高下
歸來且閉關
送楊山人歸嵩山

李白

唐詩類苑 卷之三十六
我有萬古宅嵩陽玉女峯長留一片月挂在東溪松
爾去掇仙草菖蒲花紫茸歲晚或相訪青天騎白龍

送方尊師歸嵩山

王維

見道部

贈柳喜自號嵩山老

僧皎然

一見嵩山老吾生恨太遲問君年幾許曾出上皇時

潁陽縣

韋莊

琴堂連少室故事即仙蹤樹老風聲壯山高臘候濃
雪多庭有鹿縣僻寺無鐘何處留詩客茅簷倚後峯
唐詩類苑卷第二十八終

唐詩類苑卷第二十九

明雲間張之象玄超甫纂輯

雲間張所敬長輿甫編次

雲間王徹叔朗甫補訂

梁谿曹仁孫伯安甫校正

山部

王屋山

寄王屋山人孟大融

李白

我昔東海上勞山食紫霞親見安期公食棗大如瓜
中年謁漢主不愜還歸家朱顏謝春暉白髮見生涯

所期就金液飛步登雲車願隨夫子天壇上閑與仙人掃落花

送王屋山人魏萬還王屋有李白

王屋山人魏萬云自嵩宋公吳相訪數千里不遇乘興遊台越經永嘉觀謝公石門後於廣陵相見美其愛文好古浪迹方外因述其行而贈是詩
仙人東方生浩蕩弄雲海沛然乘天遊獨往失所在魏侯繼大名本家聊攝城卷舒入元化跡與古賢并十三弄文史揮筆如振綺辯折田巴生心齊魯連子西涉清洛源頗驚人世喧採秀卧王屋因窺洞天門

揭來遊嵩峯羽客何雙雙朝攜月光子暮宿玉女牕
鬼谷上窈窕龍潭下奔潒東浮汴河水訪我三千里
逸興滿吳雲飄飄淅江汜揮手杭越間章亭望潮還
濤捲海門石雲橫天際山白馬走素車雷奔駭心顏
遙聞會稽美一弄耶溪水萬壑與千巖崢嶸鏡湖裏
秀色不可名清輝滿江城人遊月邊去舟在空中行
此中久延佇入剡尋王許笑讀曹娥碑沈吟黃絹語
天台連四明日入向國清五峯轉月色百里行松聲
靈溪恣公越華頂殊超忽石梁橫清天側足履半月
眷然思永嘉不憚海路賒挂席歷海嶠迴瞻赤城霞

赤城漸微沒孤嶼前曉兀水續萬古流亭空千霜月
縉雲川谷難石門最可觀瀑布挂北斗莫窮此水端
噴壁灑素雪空濛生晝寒却尋惡溪去寧懼惡溪惡
咆哮七十灘水石相噴薄路創李北海巖開謝康樂
松風和猿聲搜索連洞壑徑出梅花橋雙溪納歸潮
落帆金華岸赤松若可招沈約八詠樓城西孤岩堯
峇堯四荒外曠望群川會雲捲天地開波連浙西大
亂流新安口北指嚴光瀨釣臺碧雲中邈與蒼嶺對
稍稍來吳都徘徊上姑蘇煙綿橫九疑漭蕩見五湖
目極心更遠悲歌但長吁迴繞楚江濱揮策楊子津

出唯將鶴尾扇同行煉成雲母休炊爨已得雷公當
吏兵却到瑤壇上頭宿應聞空裏步虛聲

胡山人歸王屋因有贈

張籍

轉轉無成到白頭人間舉眼盡堪愁此生已是蹉跎
去每事因循鹵莽休雖作閑官少拘束難逢勝景可
淹留君歸與訪移家處若箇峯前最較幽

贈王屋道士赴詔

王建

玉皇符到下天壇玳瑁頭簪白角冠鶴遣院中童子
養鹿憑山下老人看法成不怕刀梯利體一作實常
欺石榻寒能斷世間腥血味長生只要一丸丹

宿王屋天壇

馬戴

星斗半沈蒼翠色紅霞遠照海濤分折松曉拂天壇
雪投簡寒窺玉洞雲絕頂醮迴人不見深林磬度鳥
應聞未知誰與傳金籙獨向仙祠拜老君

客有爲余話登天壇遇雨之狀因以賦之

劉禹錫

清晨登天壇平路逢陰晦疾行穿雨過却立視雲背
白日照其上風雷走於內滉瀟雪海翻槎牙玉山碎
蛟龍露鬢鬣神鬼含變態萬狀互生滅百音以繁會
俯觀群動靜始覺天宇大山頂自晶明人間已霧霈

豁然重昏斂澳若春冰碎反照入松門瀑流飛縞帶
遙光泛物色餘韻吟天籟洞府撞仙鐘村墟起夕靄
却見山下侶已如迷世代問我何處來我來雲雨外
早冬遊王屋自靈都抵陽臺上方望天壇偶

吟成章寄溫谷周尊師中書李相公

白居易

霜降山水清王屋十月時石泉碧漾漾巖樹紅離離
朝爲靈都遊暮有陽臺期飄然世塵外鸞鶴如可追
忽念公程盡復慙身力衰天壇在天半欲上心遲遲
嘗聞此遊者隱客與損之各抱貴仙骨俱非泥垢姿

二人相顧言彼此稱男兒若不爲松喬卽須作臯夔
今果如其語光彩雙歲莖一人佩金印一人翳玉芝
我來高其事詠歎偶成詩爲君題石上欲使故山知

天壇歸

元稹

爲結區中累因辭洞裏花還來舊城郭煙火萬人家

天壇上境

元稹

貞元二十年五月十四日夜宿天壇石幢側十五
日得輶屋馬逢少府書知予遠上天壇因以長句
見贈篇末仍云靈溪試爲訪金丹因於壇上還贈
野人性僻窮深僻芸署官閑不似官萬里洞中朝玉

帝

上有洞周萬里

九光霞外宿天壇洪漣浩渺東溟曙白日
低回上境寒因爲南昌檢仙籍馬君家世奉還丹

巫山

巫山高

喬知之

巫山十二峯參差互隱見潯陽幾千里周覽忽已遍
想像神女姿摘芳共珍薦楚雲何逶迤紅樹日蔥菁
楚雲沒湘源紅樹斷荆門郢路不可見况復夜聞猿

巫山高

盧照隣

巫山望不極望望下朝氛莫辨啼猿樹徒看神女雲
驚濤亂水脉驟雨暗峯文霑裳卽此地况復遠思君

巫山高

沈佺期

巫山高不極，合沓狀竒新。暗谷疑風雨，陰崖若鬼神。
月明三峽曉，潮滿九江春。爲問陽臺客，應知入夢人。

巫山高

宋之問

巫山峯十二，環合象昭回。俯聽琵琶峽，平看雲雨臺。
古槎天外落，瀑水日邊來。何忍猿啼夜，荆王枕席開。

巫山高

鄭世翼

巫山凌太清，岩峩類削成。霏霏暮雨合，藹藹朝雲生。
危峯入鳥道，深谷瀉猿聲。別有幽棲客，淹留攀桂情。

巫山高

張九齡

巫山與天近，煙景嘗青瑩。此中楚王夢，夢得神女靈。
神女去已久，雲雨空冥冥。唯有巴猿嘯，哀音不可聽。

巫山高

凌敬

巫岫鬱峩高，高高入紫霄。白雲間危石，玄猿挂迴條。
懸崖激巨浪，脆葉殞驚飈。別有陽臺處，風雨共飄颻。

巫山高

李元操

荆門對巫峽，雲夢邇陽臺。燎火如奔電，墜石似驚雷。
天寒秋水急，風靜夜猿哀。枕席無由薦，朝雲徒去來。

巫山高

于濟

何山無朝雲，彼雲亦悠揚。何山無暮雨，彼雨亦蒼茫。

唐詩類苑 卷之二十九
宋玉恃才者憑虛構高堂自垂文賦名荒淫歸楚襄
峩峩十二峯永作妖鬼鄉

巫山

蘇拯

昔時亦雲雨今時亦雲雨自是荒淫多夢得巫山女
從來聖明君可聽妖魅語只今峯上雲徒自生容與

題巫山神女祠

繁知一

白居易除蘇州刺史自峽沿流赴郡時秭歸縣繁
知一聞居易將過巫山先於神女祠粉壁大書此
詩居易覩處暢然邀知一至曰歷陽劉郎中禹錫
三年理白帝欲作一詩而不能罷郡經過悉去千

餘詩但畱沈佺期王無競皇甫冉李端四章而已
居易與繁生同濟卒不賦詩

忠州刺史今才子行到巫山必有詩爲報高唐神女
道速排雲雨候清詞

巫山曲

孟郊

巴江上峽重復重陽臺碧峭十二峯荆王獵時逢暮
雨夜卧高丘夢神女輕紅流煙濕豔姿行雲飛去明
星稀目極魂斷望不見猿啼三聲淚滴衣

巫山高

孟郊

見盡數萬里不聞三聲猿但飛蕭蕭雨中有亭亭魂

千載楚襄恨遺文宋玉言至今晴明天
一作青冥裏雲結
深閨門

巫山高

李賀

碧叢叢高插天大江翻瀾神曳煙楚魂尋夢風颯然
曉風飛雨生苔錢瑤姬一去一千年丁香筇竹啼老
猿古祠近月蟾桂寒椒花墜紅濕雲間

巫山高

李咸用

通蜀連秦山十二中有妖靈會人意鬪豔傳情世不
知楚王魂夢春風裏雨態雲容多似是色荒見物皆
成媚露泫煙愁巖上花至今猶滴相思淚西眉南臉

人中美或者皆聞無所利忍聽憑虛巧佞言不求萬
壽翻求死

巫山高

劉方平

楚國巫山秀清猿日夜啼萬重春樹合十二碧峯齊
峽出朝雲下江東暮雨西陽臺歸路直不畏向家迷

巫山高

戴叔倫

巫山峨峨高插天危峯十二凌紫煙瞿塘嘈嘈急如
絃洄流遡逆將覆船雲梯豈可進百丈那能牽陸行
巉巖水不前灑淚向流水淚歸東海邊含愁對明月
明月空自圓故鄉回首思綿綿側身天地心茫然

巫山

張子容

巫嶺岩堯天際重佳期宿昔願相從朝雲暮雨連天
暗神女知來第幾峯

宿巫山

李白

昨夜巫山下猿聲夢裏長桃花飛綠水三月下瞿塘
雨色風吹去南行拂楚王高丘懷宋玉訪古一霓裳

巫山懷古

劉希夷

見人部懷古

夜過巫山

崔仲方

荆門秋水急巫峽斷雲輕若爲教月夜長短聽猿聲

題巫山廟

劉滄

十二嵐峯挂夕暉廟門深閉霧煙微天高木落楚人
思山迴月殘神女歸觸石晴雲凝翠鬢度江寒雨濕
羅衣嬋娟似恨襄王夢猿叫斷巖秋蘚稀

終南山

賦終南山用風字韻應詔 楊師道

師道清警有才思貞觀十年拜侍中每與文士宴
歌詠自適帝見其詩爲擿諷嗟賞後賜宴令賦終
南山詩帝曰聞公每酣賞捉筆賦詩如宿成試爲
朕爲之師道再拜少選輒成無所竄定一坐嗟服

睿言懷隱逸輟駕踐幽叢白雲飛夏雨碧嶺橫春虹
草綠長楊路花疎五柞宮登臨日將晚蘭桂起香風
蓬萊三殿侍宴奉勅詠終南山應制

杜審言

北斗掛城邊南山倚殿前雲標金闕迴樹杪王堂懸
半嶺通佳氣中峯繞瑞煙小臣持獻壽長此戴堯天

終南山

王維

太一近天都連山到海隅白雲迴望合青靄入看無
分野中峯變陰晴衆壑殊欲投人處宿隔水問樵夫

終南山

林寬

標竒聳峻壯長安影入千門萬戶寒徒自倚天生氣
色塵中誰爲舉頭看

終南幽居獻蘇侍郎三首時拜太祝未上

儲光義

暮春天氣秋登嶺望層城朝日懸清景魏峩宮殿明
聖君常臨朝達士復懸衡道近無良足歸來臨山楹
靈塔曝仙書深室煉金英春巖松栢秀晨路鷓鷯鳴
羽化既有言無然悲不成

二

中歲尚微道始知將谷神抗策還南山水木自相親

唐詩類苑 卷之二十九
十一
深林開一道青嶂成四隣平明去採薇日入行刈薪
雲歸萬壑暗雪罷千巖春始看玄鳥來已見瑤華新
寄言搢芳者無乃後時人

三

卜築青巖裏雲蘿四垂陰虛室若無人喬木自成林
時有清風至側聞樵採音鳳凰鳴南岡望望隔層岑
既見山路遠復道溪流深倥佯空中遊虬龍水間吟
何當見輕翼爲我達遠心

貽閻處士防卜居終南

儲光義

春風搖雜樹言別還江汜堅冰生綠潭又客三千里

兆夢唯顏色懸情乃文史滌耳貴清言披歡遲玉趾
秦城疑舊廬佇立問所如稚子跪而說還山將隱居
竹林既深遠松宇復清虛跡迴事多逸心安趣有餘
石門動高韻草堂新著書騫飛久超絕蹇足空躊躇
猶有昔時意望君當照車驅車當六國何以須潛默
聖主常徵賢群公每舉德此時方獨往身志將何欲
願謝山中人迴車首歸躅

望終南山寄紫閣隱者

李白

出門見南山引領意無限秀色難爲名蒼翠日在眼
有時白雲起天際自舒卷心中與之然託興每不淺

唐詩卷之二十九
何當造幽人滅跡棲絕巘

贈徐中書望終南山歌

王維

晚下兮紫微悵塵事兮多違
駐馬兮雙樹望青山兮不歸

望終南山

太宗

重巒俯渭水碧嶂插遙天
出紅扶嶺日入翠貯巖煙
疊松朝若夜復岫闕疑全對
此恬千慮無勞訪九仙

登華嚴寺樓望終南山贈林校書兄弟

孟郊

地脊亞為崖聳出冥冥中
樓根插迴雲殿翼翔危空

前山胎元氣靈異生不窮
勢吞萬象高秀奪五嶽雄

一望俗慮醒再登仙願崇
青蓮三居士晝景真賞同

望終南山

張元宗

紅塵白日長安路馬走車輪
不暫閑唯有茂陵多病客
每來高處望南川

奉和吏部崔尚書雨後大明朝堂望終南山

二首

張九齡 蘇頌

見天部雨

歸終南山

孟浩然

浩然遊京師嘗於太學賦詩
一座嗟伏無敢抗者

張九齡王維雅稱道之維私邀入內署俄而玄宗
至浩然匿牀下維以實對帝喜曰朕聞其人而未
見也何懼而匿詔浩然出帝問其詩浩然再拜自
誦所爲詩至不才明主棄之句帝曰卿不求仕朕
未嘗棄卿柰何誣我因放還

北闕休上書南山歸弊廬不才明主棄多病故人疎
白髮催年老青陽逼歲除永懷愁不寐松月夜牕虛

春歸終南山松龕舊隱

李太白

見人部還山

奉使登終南山

王灣

見治政部奉使

入南山

孟浩然

瘴氣晚氛氲南山復水雲鯤飛今始見鳥墮舊來聞
地接長沙近江從汨渚分賈生曾弔屈予亦痛斯文

遊終南山

孟郊

南山塞天地日月石上生高峯夜留景
深谷晝未明山中人自正路險心亦平長風驅松栢
聲拂萬壑清到此悔讀書朝朝近浮名

遊終南山因寄蘇秦禮士尊師苗員外

李端

唐詩類苑 卷之二十九
半嶺逢仙駕清晨獨採芝壺中開白日霧裏卷朱旗
猿鳥知歸路松蘿見會時鷄聲傳洞遠鶴語報家遲
童子閑驅石樵夫樂看棋依稀醉後拜恍惚夢中辭
海上終難接人間益自疑風塵甘獨老山水但相思
願得燒丹訣流沙永侍師

終南山下作

孟郊

見此原野秀始知造化偏山村不假陰流水自雨田
家家梯碧峯門門鎖青煙因思蛻骨人化作飛桂仙

廬山

廬山

李咸用

非嶽不言嶽此山通嶽言高人居亂世幾處滿前軒
秀作神仙宅靈爲風雨根餘陰鋪楚甸一柱表吳門
靜得八公侶雄臨九子尊對猶青熨眼到必冷凝魂
勢受重湖讓形難七澤吞黑巖藏晝電紫霧泛朝暎
蓮墮寧唯華玉焚堪小崑倒松微發罅飛瀑遠成痕
疊見雲容襯稜收雪氣昏裁詩曾困謝作賦偶無人
流礙星光撒驚衝鴈陣翻峯竒寒倚劔泉曲旋如盆
草短分雛雉林明露擲猿秋楓紅蝶散春石谷雷奔
月好虎溪路煙深栗里源醉吟長易醒夢去亦銷煩
有覺南方重無疑厚地掀輕揚聞舊俗端用鎮元元

廬山謠寄盧侍御虛舟

李白

我本楚狂人鳳歌笑孔丘手持綠玉杖朝別黃鶴樓
五嶽尋仙不辭遠一生好入名山遊廬山秀出南斗
傍屏風九疊雲錦張影落明湖青黛光金闕前開二
峯長銀河倒挂三石梁香爐瀑布遙相望迴崖沓嶂
凌蒼蒼翠影紅霞映朝日鳥飛不到吳天長登高壯
觀天地間大江茫茫去不還黃雲萬里動風色白波
九道流雪山好爲廬山謠興因廬山發閑窺石鏡清
我心謝公行處蒼苔沒早服還丹無世情琴心三疊
道初成遙見仙人綵雲裏手把芙蓉朝玉京先期汗
漫九垓上願接盧敖遊太清

廬山歌送至弘法師兼呈薛江州

皇甫冉

釋子去兮訪名山禪舟容與兮任仍前猿啾啾兮怨
月江渺渺兮多煙東林西林兮入何處上方下方兮
通石路連湘接楚饒桂花事久年深無杏樹使君愛
人兼愛山時引雙旌萬木間政成人野皆不擾遂令
法侶性安閒

宿廬山絕頂山舍

崔塗

一登出林端千峯次第看長閑如未遂暫到亦應難

谷樹雲埋老僧牕瀑影寒自嫌心不達向此夢長安

廬山訪賈匡

曹松

西城疾病日此地少尋君古跡春猶在遙泉夜盡聞
片時三處雨九疊幾重雲到者皆忘寐精神與俗分
出爲豫章郡途次廬山東巖下

張九齡

茲山鎮何所乃在澄湖陰下有蛟螭伏上與虹蜺尋
靈仙未始曠窟宅何其深雙闕出雲峙三宮入煙沈
攀崖猶惜境種杏非舊林想像終古跡惆悵獨往心
紛吾嬰世網數載忝朝簪孤根自靡託量力况不任

多謝周身防常恐橫議侵豈匪鷓鴣列惕如泉壑臨
迨茲刺江郡來此滌塵襟有趣忘懷狎野禽棲閣義未果用拙歡在今願言答休命歸事丘中琴

湖中望廬山

孟浩然

太虛生月輝舟子知天風挂席候明發眇漫平湖中
中流見匡阜勢壓九江雄黥黥容霽色崢嶸當曉空
香爐初上日瀑水噴長虹久欲追尚子况茲懷遠公
我來恨于役未暇息微躬淮海途將半星霜歲欲窮
寄言巖棲者畢趣當來同

登湓城浦望廬山初晴直省齋勅催赴江陰

李嘉祐

西望香爐雪千峯晚色新白頭悲作吏黃紙苦催人
多負登山屐深藏漉酒巾傷心公府內手板日相親

送東林簾上人歸廬山 王昌齡

石溪流已亂苔徑人漸微日暮東林下山僧還獨歸
昔為廬峯意况與遠公違道性深寂寞世情多是非
會尋名山去豈復望清輝

勉愛行送小季之廬山 李賀

洛郊無俎豆弊廐慙老馬小鴈過爐峯影落楚水下
長船倚雲泊石鏡秋涼夜豈解有鄉情弄月聊鳴啞

二

別柳當馬頭官槐如兔目欲將千里別持我易斗粟

三

南雲北雲空脉斷靈臺經絡懸春綫青軒樹轉月滿
牀下國饑兒夢中見維爾之昆二十餘年來持鏡頗
有鬚辭家三載今如此索米王門一事無荒溝古水
光如刀庭南拱柳生螭螭江干幼客真可念郊原晚
翠悲號號

送僧廬山 曹松

若到江州二林寺遍遊應未出雲霞廬山瀑布三千

層言類考 卷之二十九
一八
何畫破青霄始莫邪

蜀中送人遊廬山

僧隱巒

君遊正值芳春月蜀道千山皆秀發溪邊十里五里
花雲上三峯五峯雪君上匡山我舊居松蘿拋擲十
年餘君行試到山前問山鳥只今相憶無

贈王判官時余歸隱居廬山屏風疊

李白

昔時黃鶴樓蹉跎淮海秋俱飄零落葉各散洞庭流
中年不相見蹭蹬遊吳越何處我思君天台綠蘿月
會稽風月好却繞剡溪迴雲山海上出人物鏡中來

一度淞江北十年醉楚臺荆門倒屈宋梁苑傾鄒枚
苦笑我誇誕知音安在哉大盜割鴻溝如風掃秋葉
吾非濟代人且隱屏風疊中夜天中望憶君思見君
明朝拂衣去永與海鷗群

贈廬山錢卿

章孝標

象魏抽簪早匡廬築室牢宦情歸去薄天爵隱來高
篋有新徵詔囊餘舊緼袍何如捨麋鹿明主仰風騷

憶廬山舊遊

黃滔

前年入廬嶽數宿在靈溪殘燭松堂掩孤峯月狔啼
平生爲客老勝境失雲棲縱有重遊日煙霞會恐迷

唐詩類苑 卷之二十九
經廬嶽望江山想洛川

劉元濟

見人部懷思

天台山

尋天台山

孟浩然

吾愛太一子
食霞卧赤城
欲尋華頂去
不憚惡溪名
歇馬憑雲宿
揚帆截海行
高高翠微裏
遙見石梁橫

天台曉望

李白

天台隣四明
華頂高百越
門標赤城霞
樓棲滄島月
憑高登遠覽
直下見溟渤
雲垂大鵬翻
波動巨鰲沒
風潮爭洶湧
神怪何翕忽
觀奇跡無倪
好道心不歇

攀條摘朱實
服藥鍊金骨
安得生羽毛
千春卧蓬闕

天台閑望

李敬方

天台十二旬
一片雨中春
林果垂楊盡
山苗半夏新
陽鳥暗展翅
陰魄夜飛輪
坐冀無雲物
分明見北辰

送楊山人歸天台

李白

客有思天台
東行路超忽
濤落淞江秋
沙明浦陽月
今遊方厭楚
昨夢先歸越
且盡秉燭歡
無辭凌晨發
我家小阮賢
剖竹赤城邊
詩人多見重
官燭未曾然
典引登山屐
情催泛海船
石橋如可度
攜手弄雲煙

和送劉道士遊天台

白居易

唐詩類苑 卷之二十九
聞君夢遊仙輕舉超世霧握持尊臯節統衛吏兵軍
靈旂星月象天衣龍鳳紋佩服交帶籙諷吟藥珠文
闈宮縹緲間鈞樂依稀聞齋心謁西母膜拜朝東君
煙霏子晉裾霞爛麻姑裙倏忽別真侶悵望隨歸雲
人生同大夢夢與覺誰分况此夢中夢悠哉何足云
假如金闕頂設使銀河瀆既未出三界猶應在五蘊
飲嚙日月精茹嚼沆瀣芬尚是色香味陸塵之所熏
仙中有大仙首出夢幻群慈光一照燭奧法相氤氳
不知萬齡暮不見三光曠一性自了了萬緣徒紛紛
苦海不能漂劫火不能焚此是竺乾教先生垂典墳

送超上人歸天台

孟郊

天台山最高動躡赤城霞何以靜雙目掃山除妄花
何以潔其性濾泉去泥沙靈境物皆直萬松無一斜
月中見心近雲外將世賒山獸衛方丈山猿捧袈裟
遺身獨得身笑我牽名華

送人之天台

李洞

行李一枝藤雲邊扣曉冰丹經如不謬白髮亦何能
淺井仙人鏡明珠海客燈乃知真隱者笑就漢廷徵
臘後送內大德從最遊天台

皮日休

唐詩卷之二十九
講散重雲下九天大君恩賜許隨緣霜中一鉢無辭
乞湖上孤舟不廢禪夢入瓊樓寒有月行過石樹凍
無煙他時瓜鏡知何用吳越風光滿御筵

奉和送僧遊天台

陸龜蒙

應緣南國盡南宗欲訪靈溪路暗通歸思不離雙闕
下去程猶在四明東銅瓶淨貯桃花雨金策閒搖麥
穗風若戀吾君先拜疏爲論台嶽未封公

因話天台勝異仍送羅道士

方干

積翠千層一徑開鶴盤山腹到瓊臺藕花飄落前巖

去桂子流從別洞來石上叢林礙星斗牕邊瀑布走
風雷縱云孤鶴無畱滯定恐煙蘿不放回

送孫百篇遊天台

方干

東南雲路落斜行入樹穿村見赤城遠近時常皆藥
氣高低無處不泉聲映巖日向牀頭沒濕竹雲從柱
底生更有仙花與靈鳥恐君多半未知名

孫發百篇將遊天台請詩贈行因以送之

皮日休

孫子荆家思有餘元戎曾薦入公車百篇宮體喧金
屋一日官銜下玉除紫府近通齋後夢赤城新有寄

唐詩類苑 卷之二十九
來書因逢二老如相問正滯江南爲膾魚

奉和孫百篇遊天台

陸龜蒙

直應天授與詩情百詠唯消一日成去把彩毫揮下
國歸叅黃綬別春卿閒窺碧落懷煙霧暫向金庭隱
姓名珍重興公徒有賦石梁深處是君行

送郭秀才遊天台

許渾

雲埋陰壑雪疑峯半壁天台已萬重人度碧溪疑輟
棹僧歸蒼嶺似聞鐘暖眠鷓鴣晴灘草高掛獼猴暮
澗松曾釣共遊今獨去赤城西面水溶溶

龍門山

過蜀龍門

沈佺期

龍門非禹鑿詭怪乃天功西南出巴峽不與衆山同
長短亘五里宛轉復嵌空伏湍煦潛石瀑布生輪風
流水無晝夜噴薄龍門中潭河勢不測藻葩垂綵虹
我行當季月煙景共春融江關勤亦甚巘孽意難窮
逝將息機事煉藥此山東

龍門應制

宋之問

武后遊龍門命群臣賦先成者賜以錦袍左史東
方虬詩成拜賜坐未安之問詩後成文理兼美左
右莫不稱善乃就奪錦袍衣之

宿雨霽氛埃流雲度城闕河堤柳新翠苑樹花先發
洛陽花柳此時濃山水樓臺映幾重群公拂霧朝翔
鳳天子乘春幸鑿龍鑿龍近出王城外羽從淋漓擁
軒蓋雲蹕纔臨御水橋天衣已入香山會山壁蘄巖
斷復連清流澄澈俯伊川塔影遙遙綠波上星龕奕
奕翠微邊層巒舊長千尋木遠壑初飛萬丈泉綵仗
紅旌遶香閣下輦登高望河洛東城宮闕擬昭回南
陌溝塍殊綺錯林下天香七寶臺山中有酒萬年杯
微風一起祥花落仙樂初鳴瑞鳥來鳥來花落紛無
已稱觴獻壽香霞裡歌舞淹留景欲斜石間猶駐五

雲車鸞旗翼翼雷芳草龍騎駸駸映晚花千乘萬騎
鑾輿出水靜山空嚴警蹕郊外喧喧引看人傾都南
望屬車塵鬣聲引颺聞黃道王氣周回入紫宸先王
定鼎山河固寶命乘周萬物新吾君不事瑤池樂時
雨來觀農扈春

龍門

杜甫

龍門橫野斷驛樹出城來氣色皇居近金銀佛寺開
往來時屢改川陸日悠哉相閱征途上生涯盡幾回

奉和遊龍門應制

武三思

鳳駕臨香地龍輿上翠微星宮含雨氣月殿抱春輝

碧澗長虹下雕梁早燕歸雲疑浮寶蓋石似拂天衣
露草侵堦長風花繞席飛日斜宸賞洽清吹入重闈

唐詩類苑卷第二十九終

